


東坡全集


詩四之七八



				漢書門
		五	四	
		九	五	
	二	六	六	
	八			
冊	架	函	號	類

庫文閣内			
三		五	漢
五		四	
函		五	書
一	二	六	
七	八	六	
架	冊	號	類

内閣文庫	
番號	漢 5456
冊數	28 ( 3 )
函號	315 84



糊などで貼り付けられている部分がめくれない箇所あり



東坡集卷第四

詩八十八首

秋懷二首

淺草文庫

苦熱念西風常恐來無時及茲遂淒凜又作徂年悲  
蟋蟀鳴我床黃葉投我帷窓前有棲鵬夜嘯如狐狸  
露冷梧葉脫孤眠無安枝熠燿亦求偶高屋飛相追  
定知無幾見迫此清霜期物化逝不留我興為嗟咨  
便當勤秉燭為樂戒暮遲  
海風東南來吹盡三日雨空皆有餘滴似與幽人語  
念我平生歡寂寞守環堵壺漿慰作勞裹飯救寒苦



今年秋應熟過從飽雞黍嗟我獨何求  
萬里涉江浦居貧豈無食自不安  
吠畝念此坐達晨殘燈翳復吐

哭歐公孤山僧惠思示小詩次韻

故人已為土衰鬢亦驚秋猶喜孤山下  
相逢說舊游

梵天寺見僧守詮小詩清婉可愛次韻

但聞煙外鐘不見煙中寺幽人行未已  
草露濕芒屨惟應山頭月夜夜照來去

和陳述古拒霜花

千林掃作一番黃只有芙蓉獨自芳  
喚作拒霜知未稱細思却是取宜霜

和沈立之留別二首

而今父老千行淚一似當時初去時  
不用鐫碑頌遺愛文人清德畏人知

以聞鏡鼓送歸艎夢裏恣恣共一觴  
試問別來愁幾許春江萬斛若為量

去時子  
在試院

次韻孔文仲推官見贈

我本麤麻性諒非伏轅姿君如汗血馬  
作駒已權奇齊驅大道中並帶鑿鑿馳  
聞轂自決驟那復受繫維謂君朝發燕  
秣楚日未歇云何中道止連塞驢騾隨  
金鞍冒翠錦玉勒垂青絲旁觀信美矣  
自揣良厭之



均為人所勞何必陋鹽輜君看立仗色不敢鳴且窺  
調習困鞭箠僅存骨與皮人生各有志此論我久持  
他人聞定笑聊與吾子期空齋卧積雨病骨煩撐支  
秋草上垣墻霜葉鳴堦墀門前自無客敢作揚雄麾  
候吏報君來拜節江之湄一對高人談稍忘俗吏卑  
今朝枉詩句如鳳來儀上山絕梯磴陞海迷津涯  
憐我枯槁質借潤生華滋肯效世俗人洗刮求癩癩  
賢明日登用清廟歌緝熙胡不學長卿須作封禪詞  
湯村開運鹽河中督役

居官不任事蕭散羨長卿胡不歸去來滯留愧淵明

鹽事星火急誰能郵農耕晝曉鼓動萬指羅溝坑  
天雨助官政絃然淋衣纓人如鴨與猪投泥相濺瀉  
下馬荒堤上四顧但湖泓線路不容足又與牛羊爭  
歸田雖賤辱豈失泥中行寄語故山友慎毋厭藜藿  
是日宿水陸寺寄北山清順僧二首

草沒河堤雨暗村寺歲備竹不知門拾薪煮藥憐僧  
病掃地燒香淨客魂農事未休侵小雪佛燈初上報  
黃昏年來漸識幽居味思與高人對榻論  
長嫌鍾鼓聒湖山此境蕭條却自然乞食遠村真為  
飽無言對客本非禪被榛覓路衝泥入洗之關門聽



雨眠遙想身窮賈，夜寒應聳作詩肩。

客位假寐

謁入不得去，兀坐如枯株。豈惟主忘客，今我亦忘吾。同僚不解事，愠色見髭須。雖無性命憂，且復恐須臾。

鹽官部役戲呈同事兼寄述古

新月照水水欲冰，夜霜穿屋衣生稜。野廬半與牛羊共，曉鼓却隨鴉鵲興。夜來履破裘穿縫，紅頰曲眉應入夢。千夫在野口如林，豈不懷歸畏朝弄。我州賢將知人勞，已釀白酒買豚羔。耐寒努力歸不遠，兩脚凍硬公須軟。

朱壽昌郎中少不知母所在，刺血寫經求之五十年，去歲得之蜀中，以詩賀之。

嗟君七歲知念母，憐君壯大心愈苦。羨君臨老得相逢，喜極無言淚如雨。不羨白衣作三公，不愛白日昇青天。愛君五十著綵服，兒啼却得償當年。烹龍為炙玉為酒，鶴髮初生千萬壽。金花詔書錦作囊，白藤肩輿簾盛繡。感君離合我酸辛，此事今無古或聞。長陵榻來見大姊，仲孺豈意逢將軍。開皇苦挑空，記面建中天子終不見。西河郡守誰復譏，潁谷封人羞自薦。將之湖州戲贈莘老。



餘杭自是山水窟  
反聞吳興更清絕  
湖中摘林新著  
霜溪上苔花正浮  
雪顧渚茶牙白  
於齒梅溪木瓜紅  
勝頰吳兒鱸縷薄  
欲飛未去先說饒  
池垂亦知謝公  
到郡久應恠杜牧  
尋春遲鬢絲  
只好對禪榻  
湖亭不用張水媿

鴉種麥行

霜林老鴉閑無用  
畦東拾麥畦西種  
畦西種得青猗  
猗畦東已作牛毛  
稀明年麥熟芒攢  
梨農夫未食鴉  
先啄徐行俛仰若  
自矜鼓翅跳跟上  
牛角憶昔舜耕  
歷山鳥為耘如今  
老鴉種麥更辛勤  
農夫羅拜鴉飛

起齋叟使者來行水

鹽官絕句四首

南寺千佛閣

古邑居民半海濤  
師來構築便能高  
千金用盡身無事  
坐看香煙遶白毫

北寺悟空禪師塔

名齊安宣宗時  
師如其非凡人

已將世界等微塵  
空裏浮花夢裏身  
豈為龍顏更分  
別只應天眼識天人

塔前古檜

當年雙檜是雙童  
相對無言老更恭  
定雪到腰埋不



死如今化作兩蒼龍

僧奕白雞

養二十餘年常  
生側聽經

斷尾雄雞本畏烹  
年來聽法伴修行  
還須却置蓮花漏  
老怯風霜恐不鳴

送張新民寺丞赴省試

龍飛甲子盡豪英  
常喜吾猶及老成人  
競春蘭笑秋菊  
天教明月伴長庚  
傳家各自聞詩禮  
與子相逢念弟兄  
洗眼上林看躍馬  
賀詩先到古宣城

談同年  
此共子

六和寺冲師開山溪為水軒

次於清溪自在流  
恐教冰雪落沙洲  
出山定被江潮流  
能為山僧更少留

和致仕張郎中春書

投箸歸來萬事輕  
消磨未盡祇風情  
舊因尊菜求長假  
新為楊枝作短行  
不禱自安緣壽骨  
苦藏難沒是詩名  
淺斟盃酒紅生頰  
細琢歌詞穩稱聲  
蝸殼卜居心自放  
蠅頭寫字眼能明  
盛衰閱過君應笑  
寵辱年來我亦平  
蹤履數從圯下老  
逸書閑問濟南生  
東風屈指無多日  
祇恐先春鷓鴣鳴

冬至日獨遊吉祥寺



井底微陽回未回蕭蕭寒雨濕枯荻何人更似蘇夫  
子不是花時肯獨來

後十餘日復至

東君意淺著寒梅千朵深紅未暇裁安得道人殷七  
七不論時節遣花開

戲贈

惆悵沙河十里春一番花老一番新小樓依舊斜陽  
裏不見樓中垂手人

和人求筆跡

麥光鋪几淨無暇入夜青燈照眼花從此刻藤真可

吊半紆春蚓縮秋蛇

再用前韻寄辛老

君不見夷甫開三窟不如長康癡絕癡人自得終  
天年智士死智罪莫雪困窮誰要卿料理舉頭看山  
笏拄頰野鳧翅重自不飛黃鶴何事兩翼垂泥中相  
從豈得久今我不往行恐遲江夏魚雙應未去恨無  
文字相娛嬉黃堅華  
老備能文

畫魚歌

湖州道中作

天寒水落魚在泥短鉤畫水如耕犁渚蒲披折藻行  
亂此意豈復遺鯁鯁偶然信手皆虛擊本不詞勞幾



平萬一一魚中乃百魚驚蝦蟹奔忙誤跳擲漁人養  
魚如養雞插竿冠笠驚鷓鴣豈知白旌鬧如雨攬水  
覓魚差已踈

吳中田婦歎

和賈收韻

今年粳稻熟苦遲庶見霜風夾幾時霜風來時雨如  
瀉把頭出菌鎌生衣眼枯淚盡雨不盡恐見黃穗卧  
青泥茹苦一月籠上宿天晴獲稻隨車歸汗流肩頰  
載入市價賤乞與如糠糶賣牛納稅拆屋炊慮淺不  
及明年飢官今要錢不要米西北萬里招羗兒糞黃  
滿朝人更苦不如却作河伯婦

和邵同年戲贈賈收秀才三首

傾蓋相歡一笑中從來未省馬牛風卜隣尚可容三  
徑投社終當作兩翁言意已將蘭緝佩招詞閑詠桂  
生叢此身自斷天休問白髮年來漸不公

朝見新莢出舊槎騷人孤憤苦思家五噫處士太窮  
約三賦先生多誕考帳外鶴鳴奩有鏡筒中錢盡按  
無銚玉川何日朝金闕白晝開門守夜又

特賈收韻

生涯到處似檣烏科第無心摘領鬚黃帽刺船忘歲  
月白衣擔酒慰鰥孤祖公欺病來分粟水伯知饒為  
出鱸莫向洞庭歌楚曲煙波渺渺正愁予



遊道場山何山

道場山頂何山麓上徹雲峰下幽谷我從山水窟中  
來尚愛此山看不足陂湖行盡白漫漫青山忽作龍  
蛇盤山高無風松自響誤認石齒豨羈湍山僧不放  
山泉出屋底清池照瑤席塔前合抱香入雲月裏仙  
人親手植出山回望翠雲環碧瓦朱欄縹眇間白水  
田頭問行路小溪深處是何山高入讀書夜達旦至  
今山鶴鳴夜半我今廢學不歸山山中對酒空三歎

贈莘老七絕

嗟余與子久離群耳冷心灰百不聞若對青山談世

事當須舉白便浮君

天目山前綠浸裾碧瀾堂下看銜鱸作堤捍水非吾  
事閑送茗溪入太湖

夜來雨洗碧巖岼浪湧雲屯遶郭寒間有弁山何處  
是爲君四面意來看

夜橋燈火照溪明欲放扁舟取次行暫借官奴遣吹  
笛明朝新月到三更

三年京國厭藜蒿長羨淮魚壓楚糟今日駱駝橋下  
泊恣看脩網出銀刀

烏程霜稻襲人香釀作春風雪不光時復中之徐邈



聖母多酌我次公狂  
去年臘日訪孤山曾借僧窓半日閑不爲思歸對妻  
子道人有約徑須還

莘老蒼天慶觀小園有亭北向道士山宗

說乞名與詩

春風欲動北風微歸鷹亭邊送鴈歸蜀客南遊家最  
遠吳山寒盡雪先晞扁舟去後花絮亂五馬來時賓  
從非惟有道人應不忘抱琴無語立斜暉

至秀州贈錢端公安道兼寄其弟惠山人

駕鶴湖邊月如水孤舟夜榜鴛鴦起平明繫纜石橋  
亭慙愧冒寒髯御史結交最晚情獨厚論心無數今  
有幾寂寞抱關歎蕭生耆老執戟哀揚子怪君顏采  
却秀發無乃遷謫反便美天公欲困無奈何世人共  
抑真疎矣毗陵高山錫爲骨陸子遺味泉冰齒賢哉  
仲氏早拂衣占斷此山長洗耳山頭望湖光潑眼山  
下濯足波生指儻容逸少問金堂記與稽康留石髓  
秀州報本禪院鄉僧文長老方丈

萬里家山一夢中吳音漸已變兒童每逢蜀叟談終  
日便覺峨眉翠掃空師已忘言真有道我除搜句百



無功明年采藥天台去更欲題詩滿浙東

王復秀才所居雙檜二首

吳王池館徧重城閑草幽花不記名青蓋一歸無覓  
處祇留雙檜待昇平

凜然相對敢相欺直幹凌空未要奇根到九泉無曲  
處世間惟有蜚龍知

宋叔達家聽琵琶

數絃已品龍香撥半面猶遮鳳尾槽新曲從翻玉連  
瑣舊聲終愛鬱輪袍夢回只記歸舟字賦罷雙垂紫  
錦絲何異烏孫送公主碧天無際鴈行高

元日次韻張先子野見和七夕寄莘老之作

得句牛女夕轉頭參尾中青春先入睡白髮不遺窮  
酒社我為敵詩壇子有功縮頭先夏鼈見玉實腹鄙  
秋蟲莫唱裙垂絲無人臉斷紅舊交懷賀老新進謝  
終童袍鵲雙雙瑞腰犀一一通小蠻知在否試問甯  
嚚翁

正月九日有美堂飲醉歸徑睡五鼓方醒  
不復能眠起閱文書得鮮于子駿所寄古  
意作雜興一首答之



衆人事紛擾志士獨悄悄何異琵琶絃常遭腰鼓鬧  
三杯忘萬慮醒後還皎皎有如轆轤索已脫重縈繞  
家人自約教始慕陳婦孝可憐及臣先放蕩今誰弔  
平生嗜羊炙識味肯輕飽烹蛇啖蛙蛤頗訝能稍稍  
憂來自不寐起視天漢渺闌干玉繩低耿耿太白曉

次韻荅章傳見贈

並生天地宇同閱古今宙視下則有高無前孰無後  
達人千鈞弩一施難再發下士沐猴冠已繫猶跳躑  
欲將駒過隙坐待石穿溜君看漢唐主宮殿悲麥秀  
而況彼區區可異一醉富爰居非所養俯仰眩金奏

觸髓有餘樂不憚南面后嗟我昔少年守道貧非病  
自從出求仕役物恐見囿馬融既依梁班固亦事竇  
效顰豈不煩頑質謝錡鑿仄聞長者言悻直非養膏  
垂面慎勿試出勝當俛就居然成懶廢敢復齒豪右  
子如照海珠罔自踈見編宏材乏近用巧舞困短袖  
坐令傾國容臨老見避遠吾哀信久矣書絕十年舊  
門前可羅雀感子煩屢扣願言歌緇衣子粲予還校

法惠寺橫翠閣

朝見吳山橫暮見吳山從吳山故多態轉則為君容  
幽人起朱閣空洞更無物惟有千步岡東西作簾額



春來故國歸無期。人言悲秋春更悲。已泛平湖思濯錦。更看橫翠憶峨眉。凋欄能得幾時好。不獨憑欄人易老。百年興廢更堪哀。懸知草莽化池臺。遊人尋我舊遊處。但覓吳山橫處來。

祥符寺九曲觀燈

紗籠擎燭逢門入。銀葉燒香見客邀。金鼎轉丹光吐夜。寶珠穿蟻鬧連朝。波翻焰裏元相激。魚舞湯中不畏焦。明日酒醒空想像。清吟半逐夢魂銷。

上元過祥符僧可久房蕭然無燈火

門前歌鼓闌分用。一室清風冷欲冰。不把琉璃開照

佛始知無盡本無燈

正月二十一日病後述古邀往城外尋春

屋上山禽苦喚人。檻前冰沼忽生鱗。老來厭逐紅裙醉。病起空驚白髮新。卧聽使君鳴鼓角。試呼稚子整冠巾。曲欄幽榭終寒窘。一看郊原浩蕩春。

有以官法酒見餉者因用前韻求述古為

移厨飲湖上

喜逢門外白衣人。欲繪湖中赤玉鱗。遊舫已粧吳榜穩。舞衫初試越羅新。欲將魚釣追黃帽。未要靴刀抹絳巾。芳意十分強半在。為君先踏水邊春。



飲湖上初晴後雨二首

朝曦迎客豔重岡晚雨留人入醉鄉此意自佳君不

會一盃當屬水仙王

湖上有水仙王廟

水光瀲灩晴方好山色空濛雨亦奇欲把西湖比西子淡粧濃抹揔相宜

往富陽新城李節推先行三日留風水洞

見待

春山礫礫鳴春禽此間不可無我吟路長漫漫傍江浦此間不可無君語金鯽池邊不見君追君直過定山村路人皆言君未遠騎馬少年清且婉風巖水穴

舊聞名只隄山溪夜不行溪橋曉溜浮梅萼知君繫馬巖花落出城三日尚逶遲妻孥怪罵歸何時世上小兒誇疾走如君相待今安有

風水洞二首和李節推

風轉鳴空穴泉幽瀉石門虛心聞地籟妄意覓桃源過客詩難好居僧語不繁歸併得冰雪清冷慰文園山前雨水隔塵凡山上仙風舞檜杉細細龍鱗生亂石團團羊角轉空巖馮夷窟宅非梁棟禦寇車輿謝轡銜世事漸艱吾欲去永隨二子脫譏讒

獨遊富陽普照寺



富春真古邑此寺亦唐餘鶴老依喬木龍歸護賜書  
連筒春水遠出谷晚鐘疎欲繼江潮韻何人為起予

自普照遊二庵

長松吟風晚雨細東庵半掩西庵閉山行盡日不逢  
人浥浥野梅香入袂居僧笑我戀清景自厭山深出  
無計我雖愛山亦自笑獨往神傷後難繼不如西湖  
飲美酒紅杏碧桃香覆髻作詩寄謝採薇翁本不避  
人那避世

富陽妙庭觀董雙成故宅發地得丹鼎覆  
以銅盤承以留璃盆盆既破碎丹亦為人

爭奪持去今獨盤鼎在耳二首

人去山空鶴不歸丹亡鼎在世徒悲可憐九轉功成  
後却把飛昇乞肉芝

琉璃擊碎走金丹無復神光發舊壇特有世人來  
鼎欲隨雞犬事劉安

新城道中二首

東風知我欲山行吹斷簷間積雨聲嶺上晴雲披絮  
帽樹頭初日挂銅鉦野桃含笑竹籬短溪柳自搖沙  
水清西崦人家應最樂煮芹燒筍餉春耕  
身世悠悠我此行溪邊委轡聽溪聲散材畏見搜林



斧疲馬思聞巷柿鉦細雨是時茶戶喜龍山深處長  
官清人間岐路知多少試向桑田問耦耕

山村五絕

竹籬茆屋趁溪斜春入山村處處花無象太平還有  
象孤煙起處是人家

煙雨濛濛雞犬聲有生何處不安生但教黃犢無人  
佩布穀何勞也勸耕

老翁七十自腰鎌慙愧春山筍蕨甜豈是聞韶解忘  
味爾來三月食無鹽

杖藜裹飯去忽忽過眼青錢轉手空贏得兒童笑  
看

好一年強半在城中

霜祿忘歸我自羞豐年底事汝憂愁不須更待飛  
鷹  
慙方念平生馬少遊

湖上夜歸

我飲不盡罷半酣味尤長藍輿湖上歸春風吹面涼  
行到孤山西夜色已蒼蒼清吟雜夢寐得句旋已忘  
尚記梨花村依依聞暗香入城定何時賓客半存亡  
睡眼忽驚翼繁燈鬧河塘市人拍手笑狀如朱林學  
始悟山野姿異趣難自強人生安為樂吾榮殊未良

寒食未明至湖上太守未來兩縣令先在



城頭月落尚啼烏，烏榜紅舫早滿湖。鼓吹未容迎五馬，水雲先已颺雙鳧。映山黃帽螭頭舫，夾道青煙鷓尾爐。老病逢春只思睡，獨求僧榻寄須臾。

次韻孫莘老見贈時莘老移廬州因以別之

爐鎚一手賦形殊，造物無心敢望渠。我本疎頑固當爾，子猶淪落況其餘。龔黃側畔難言政，羅趙前頭且眩書。莘老見稱政事與書而莘老書至不工惟有陽關一杯酒，慙慙重

唱贈離居

贈別

青鳥銜巾久欲飛，黃鸝別主更悲啼。慙慙莫言

慶湖水東邊，鳳嶺西

次韻代留別

絳蠟燒殘玉笋飛，離歌唱徹萬行啼。他年一舸鳴榔去，應記儂家舊姓西。西施也

月免茶

環非環玦非玦，中有迷離玉兔兒。一似佳人裙上月，圓還缺缺還圓。此月一缺圓何年，君不見闍茶公子不忍聞。小團上有雙銜，綬帶雙飛鷺。

薄命佳人



雙頰凝酥髮抹漆眼光入簾珠的皪故將白練作仙  
水不許紅膏汙天質吳音嬌軟帶兒癡無限閑愁  
未知自古佳人多命薄閉門春盡揚花落

吉祥花將落而述古不至

今歲東風巧翦裁含情只待使君來對花無信花應  
恨直恐明年便不開

述古聞之明日即來坐上復用前韻同賦

仙衣不用翦刀裁國色初酣卯酒來太守問花花有  
語為君零落為君開

李鈴轄坐上分題戴花

一八佳人細馬馳十千美酒渭城歌簾前柳絮驚春  
晚頭上花枝柰老何露濕醉巾香掩冉月明歸路影  
婆娑綠珠吹笛何時見欲把斜紅插皂羅

於潛令刀同年野翁亭

山翁不出山溪翁長在溪前二翁亭不如野翁來往

溪山間上友麋鹿下鳧鷖問翁何所樂三年不去煩  
推擠翁言此間亦有樂非絲非竹非蛾眉山人醉後  
鐵冠落溪女笑時銀櫛低我來觀政問風謠皆云吠  
犬足生甃但恐此翁一旦舍此去長使山人索寞溪

女帝

元日唐山唐道士常冠鐵冠於潛婦  
女皆挿大銀櫛長尺許謂之蓬香



於潛女

青裙縞袂於潛女，兩足如霜不穿履。簪沙鬢髮然穿  
杼蓬杏鄣前走風雨，老澗宮粧傳父祖。至今遺民悲  
故主，茗溪楊柳初飛絮。照溪畫眉渡溪去，逢郎樵歸  
相媚嫵，不信姬姜有齊魯。

自昌化雙溪館下步尋溪源至治平寺二首

亂山滴翠衣裘重，雙澗響空窓戶搖。飽食不嫌溪筍  
瘦，穿林閑覓野芎苗。却愁縣令知遊寺，尚喜漁人爭  
渡橋。正似醴泉山下路，桑枝刺眼麥齊腰。

每見田園輒自招，倦飛不擬控扶搖。共疑楊惲非鋤  
豆，誰信劉章解立苗。老去尚貪彭澤米，夢歸時到錦  
江橋。宦遊莫作無家客，舉族長懸似細腰。

於潛僧綠筠軒

可使食無肉，不可居無竹。無肉令人瘦，無竹令人俗。  
人瘦尚可肥，俗士不可醫。旁人笑此言，似高還似癡。  
若對此君仍大嚼，世間那有揚州鶴。

與臨安令宗人同年劇飲

我雖不解飲，把殘歡意足。試呼白髮感秋人，令唱黃  
雞催曉曲。與君登科如隔晨，弊袍霜葉空殘綠。如今



莫問老與少，兒子森森如立竹。黃雞催曉不須愁，老盡世人非我獨。

寶山晝睡

七尺頑軀走世塵，十圍便腹貯天真。此中空洞渾無物，何止容君數百人。

東坡集卷第四

東坡集卷第五

詩一百三首

僧清順新作垂雲亭

江山雖有餘，亭榭苦難穩。登臨不得要，萬象各偃蹇。惜哉垂雲軒，此地得何晚。天功爭向昔，詩眼巧增損。路窮朱欄出，山破石壁很。海門浸坤軸，湖尾抱雲巘。蔥蔥城郭麗，淡淡煙村遠。紛紛烏鵲去，一一漁樵返。雄觀快新獲，微景收昔遁。道人真古人，嘯咏慕嵇阮。空齋臥蒲褐，芒屨每自捆。天憐詩人窮，乞與供詩本。我詩久不作，荒澁旋鋤墾。從君覓佳句，咀嚼廢朝飯。



五月十日與呂仲甫周邠僧惠勤惠思清  
順可又惟肅義詮同泛湖遊北山

三吳雨連月湖水日夜添尋僧去無路激激水拍簷  
駕言徂北山得與幽人兼清風洗昏翳晚景分濃纖  
縹緲朱樓人斜陽半疎簾臨風一揮手悵焉起遐瞻  
世人驚朝市獨向溪山庶此樂得有命輕傳神所殲  
會客有美堂周邠長官與數僧同泛湖往  
北山湖中間堂上歌笑聲以詩見寄因和  
二首時周有服

鵲鵲君詩似嶺雲從來不許醉紅裙不知野巖穿山

翠惟見輕橈破浪紋頗憶呼盧素彥道難邀罵坐灌

將軍

皆取其有服也

晚風落日元無主不惜清涼與子分

載酒無人過子雲掩關書臥客書裙歌喉不共聽珠  
貫醉面何因作纈紋僧侶且陪香火社詩壇欲斂鸛  
鵝軍憑君徧遶湖邊寺漲漲晴來已十分

席上代人贈別

淒音怨亂不成歌縱使重來奈老何淚眼無窮似梅  
雨一番勻了一番多

天上麒麟豈混塵籠中弱翠不由身那知昨夜香閨  
裏更有偷啼暗別人



蓮子擘開須見憶，椒杯著盡更無期。破衫却有重逢處，一飯何曾忘却時。

唐道人言天目山上俯視雷雨，每大雷電，但聞雲中如嬰兒聲，殊不聞雷震也。

已外浮名更外身，區區雷電若爲神。山頭只作嬰兒看，無限人間失筮人。

追和子由去歲試舉人洛下所寄詩五首

暴雨初晴樓上晚景

秋後風光雨後山，滿城流水碧潺潺。煙雲好處無多子，及取昏鴉未到間。

洛邑從來天地中，嵩高蒼翠北邙紅。風流耆舊消磨盡，只有青山對病翁。謂富公也

白汗翻漿午景前，雨餘風物便蕭然。應傾半熟鴛黃酒，照見新晴水碧天。

疾雷破屋雨翻河，一掃清風未覺多。應似畫師吳道子，高堂巨壁寫降魔。

客路三年不見山，上樓相對夢魂間。明朝却踏紅塵去，羞向清伊照病顏。

過廣愛寺見三學演師觀揚惠之塑寶山

朱瑤畫文殊普賢三首



寓世身如夢安閑日似年敗蒲翻覆卧破衲再三連  
勸客眠風竹長齋飲石泉回頭萬事錯自笑覺師賢  
妙迹苦難尋茲山見幾層亂峰螺髻出絕磴陣雲崩  
措意元同盡觀空欲問僧莫教林下意終老歎何曾  
朱瑤唐晚輩得法尚雄深滿寺空遺跡何人識苦心  
長廊敲雨脚破壁撼鍾音成壞無窮事他年復弔今

韓子華石淙莊

絳侯百萬兵尚畏書牘背功名意不已數與危機會  
我公抱絕識凜凜鎮橫濱欲收伊呂迹遠與巢由對  
誓言雖未後久已斷諸內區區為懷祖頗覺義之隘

此身隨造物一葉舞澎湃田園不早定歸宿終安在  
彼美石淙莊每到百事廢泉流知人意屈折作濤瀨  
寒光洗肝萬清響跨竽籟我舊門前客故言不自外  
園中亦何有蒼蔚可勝計請公試回首歲晚餘蒼檜

立秋日禱雨宿靈隱寺同周徐二令

百重堆案掣身閑一葉秋聲對榻眠床下雪霜侵戶  
月枕中琴筑落塔泉崎嶇世味嘗應遍寂寞山栖老  
漸便惟有問農心尚在起占雲漢更茫然

病中獨遊淨慈謁本長老周長官以詩見  
寄仍邀遊靈隱因次韻答之



卧聞禪老入南山淨掃清風五百間我與世疎宜獨  
往君緣詩好不容攀自知樂事年年減難得高人日  
日閑欲問雲公覓心地要知何處是無還揚展証云  
我今示汝

無所  
逐地  
病中遊祖塔院

紫李黃瓜封路香烏紗白葛道衣涼閉門野寺松陰  
轉欹枕風軒客夢長因病得閑殊不惡安心是藥更  
無方道人不惜堦前水借與煎搏自在嘗

虎跑泉

亭亭石塔東峰上此老初來百衲仰虎移泉眼趺行

脚龍作浪花供撫掌至今遊人濯濯罷臥聽空堦環  
玦響故知此老如此泉莫作人間去來想

佛日山榮長老方丈

五絕

陶令思歸久未成遠公不出但聞名山中只有蒼髯  
叟數里蕭蕭管送迎

千株三槩攬雲立一穗珠梳落鏡寒何處霜眉碧眼  
客結為三友令相看

東麓雲根露角牙細泉幽咽走金沙不堪土肉埋山  
骨未放蒼龍浴渥洼

食罷茶甌未要深清風一榻抵千金腹穩鼻息庭花



落還盡平生未之心

日射回廊午枕明水沈銷盡碧煙橫山人睡覺無人見只有飛蚊遶鬢鳴

癸丑春分後雪

雪入春分省見稀半開桃李不勝威應慙落地梅花識却作漫天柳絮飛不分東君專節物故將新巧發陰機後今造物尤難料更暖須留御臘衣

孤山二詠

并引

孤山有陳時柏二株其一為人所薪山下老人自為兒已見其枯矣然堅悍如金石愈於未枯者僧志詮

作堂於其側名之曰柏堂堂與白公居易竹閣相連屬余作二詩以記之

柏堂

道人手種幾生前鶴骨龍姿尚宛然雙幹一先神物化九朝三見太平年忽驚華構依巖出乞與佳名到處傳此柏未枯君記取灰心聊伴小乘禪

竹閣

海山兜率兩茫然古寺無人竹滿軒白鶴不歸後語蒼龍猶是種時孫兩叢却似蕭郎筆千畝空懷渭上村欲把新詩問遺像病維摩詰更無言



與述古自有美堂乘月夜歸

娟娟雲月稍侵軒  
漱漱星河半隱山  
魚鑰未收清夜永  
鳳簫猶在翠微間  
淒風瑟縮經絃柱  
香霧淒迷著髻鬟  
共喜使君能鼓樂  
萬人爭看火城還

有美堂暴雨

遊人脚底一敲雷  
滿坐頑雲撥不開  
天外黑風吹海立  
浙東飛雨過江來  
十分歛澹金樽凸  
千杖敲銀羯鼓催  
喚起謫仙泉灑面  
倒傾蛟室瀉瓊瑰

八月十五日看潮

五絕

定知玉兔十分圓  
已作霜風九月寒  
寄語重門休上

夜潮留向月中看

萬人鼓噪憤吳儂  
猶似浮江老阿童  
欲識潮頭高幾許  
越山渾在浪花中

江邊身世兩悠悠  
久與滄波共白頭  
造物亦知人易老  
故教江水更西流

吳兒生長狎濤淵  
冒利輕生不自憐  
東海若知明三意  
應教斥鹵變桑田

是時新有  
首禁弄潮

江神河伯兩醯雞  
海若東來氣吐霓  
安得夫差水犀手  
三千強弩射潮低

吳越王嘗以弓弩射潮頭  
與海神較白尔水不近城

東陽水樂亭

為東陽令王都官崇作



君不學白公引涇東注渭五斗黃泥一鍾水又不學  
哥舒橫行西海頭歸來羯鼓打涼州但向空山石壁  
下愛此有聲無用之清流流泉無絃石無竅強名水  
樂人人笑慣見山僧已默聽多情海月空留照洞庭  
不復來軒轅至今魚龍舞鈞天聞道落襄東入海遺  
殼恐在海山間鏘然澗谷含宮徵節奏未成君獨喜  
不須馮入薰風絃絃縱有此聲無此耳

與周長官李秀才遊徑山二君先以詩見  
寄次其韻二首

少年飲紅裙酒盡推不去呼來徑山下試與洗塵霧

癡馬惜鄣泥臨流不肯渡獨有汝南君後我無朝暮  
肯將紅塵脚暫着白雲屨嗟我與世人何異笑百步  
功名一破甑棄置何用顧更憑陶靜節往問征夫路  
龍亦戀故居百年尚來去至今雨雹夜殿聞風纏霧  
而我弃鄉國大江忘北渡便欲北山前築室安遲暮  
又恐太幽獨歲晚霜入屨同遊得李生仄足隨蹇步  
孔明不自愛臨老起三顧吾歸便却掃誰踏門前路

臨安三絕

將軍樹

阿堅澤畔菰蒲節玄德墻頭羽葆桑不會世間閑草



木與人何事管興亡

錦溪

楚人休笑沐猴冠越俗徒誇翁子賢五百年間異人出盡將錦繡裏山川

石鏡

山雞舞破半巖雲蔓葉開齊野水春應笑武都山下土柱教明月徇佳人

登玲瓏山

何年僵立兩蒼龍瘦脊盤盤尚倚空翠浪與翻紅羅亞白雲穿破碧玲瓏三休亭上工延月九折巖前巧

貯風脚力盡時山更好莫將有限趣無窮

宿九仙山

凡仙謂左元敏可適王謝之流

風流王謝古仙真一去空山五百春玉室金堂餘漢士桃花流水失秦人困眠一榻香凝帳夢遶千巖冷逼身夜半老僧呼客起雲峰缺處湧冰輪

陌上花三首

并引

遊九仙山聞里中兒歌陌上花父老云吳越王妃每歲必歸臨安王以書遺妃曰陌上花開可緩緩歸矣吳人用其語為歌含思宛轉聽之淒然而其詞鄙野為易之云



陌上花開蝴蝶飛江山猶是昔人非  
遺民幾度垂垂老遊女長歌緩緩歸  
陌上山花無數開路人爭看翠軒來  
若為留得堂堂去且更從教緩緩迴  
生前富貴草頭露身後風流陌上花  
已作遲遲君去魯猶歌緩緩妾回家

遊東西巖

謝安東山也

謝公舍雅量世運屬艱難况復情所鍾  
感稟萃中年正賴絲與竹陶寫有餘歡  
常恐兒童輩覺坐令高趣闌獨携縹  
眇人來上東西山放懷事物外徙倚弄雲泉

一旦功業成管蔡復流言慷慨桓野王  
哀歌和清舞挽頰起流涕始知使君賢  
意長日月促卧病已辜駭慟哭西州門  
往駕那復還空餘行樂處古木昏蒼煙

宿海會寺

籃輿三日山中行山中信美少曠平  
下投黃泉上青冥綫路每與猿猴爭  
重樓束縛遭澗坑兩股酸哀飢腸鳴  
此度飛橋踏盤鏗繚垣百步如古城  
大鍾橫撞千指迎高堂延客夜不扃  
朽槽漆斛江河傾本來無垢洗更輕  
倒床鼻息四鄰驚統如五鼓天未明  
木魚呼粥亮且清不聞人鼓聞履聲



海會寺清心堂

南郭子綦初喪我西來達磨尚求心此堂不說有清  
濁遊客自觀隨淺深兩歲頻為山水役一溪長照雪  
霜侵紛紛無補竟何事慚愧高人閉戶吟

徑山道中次韻荅周長官兼贈蘇寺丞

年來戰紛華漸覺夫子勝欲求五畝宅灑掃樂清淨  
學道恨日淺問禪慙聽瑩聊為山水行遂此麤麤性  
獨遊吾未果覓伴誰復聽吾宗古遺直窮達付前定  
舖糟醉方熟洒面呼不醒奈何效鶯蝠屢欲爭晨暝  
不如從我遊高論發犀柄溪南渡橫木山寺稱小徑

太平寺幽尋自茲始歸路微月映南望功臣山雲

外盤飛磴三更渡錦水舟宿留石鏡緬懷周與李能  
作洛生詠明朝三子至詩律嚴譎令監輿置紙筆得  
句輕千乘玲瓏苦奇秀名實巧相稱九仙更幽絕笑  
語千山應空巖側破甕飛溜瀝浮磬山前見帝跡候  
吏鏡鼓競我生本艱奇塵土泚釜甑山禽與野獸知  
我久躡蹻笑謂候吏還禦虎吾有命往山雖云遠行  
李稍可併頗訝王子猷忽起山陰興但恐菊花開吾  
當理歸榜

汪暉秀才久留山中以詩見寄次其韻



季子應嘆不下機，弃家來伴碧雲師。  
中秋冷坐無因醉，半月長齋未肯辭。  
擲簡搖毫無忤色，善書託名入社有新詩。  
飛騰挂籍他年事，莫忘山中採藥時。

再遊徑山

老人登山汗如濯，到山困卧呼不覺。  
覺來五鼓日三竿，始信孤雲天一握。  
古語云孤雲一握平生未省出艱險，  
雨足慣曾行華嶺。含輝亭上望東溟，  
凌霄峰頭挹南岳。共愛絲杉翠絲亂，  
誰見玉芝紅玉塚。白雲何事自來往，  
明月長圓無悔初。山有白雲峯，明月庵。  
塚上雞鳴猶憶飲，山前鳳舞遠微撲。  
雪凶劇兇元不死，煙嶺孤猿苦。

難提從來白足傲，死生不怕黃中把。  
刀槩榻上雙痕凜，然在劒頭一快何須角。  
以上皆山中故事嗟我昏頑晚聞道，  
與世齟齬空多學。靈水先除眼界花，  
清詩為洗心源濁。騷人未要逃競病，  
禪老但喜聞剝啄。此生更得幾迴來，  
從今有暇無辭數。

洞霄宮

上帝高居愍世頑，故留瓊館在凡間。  
青山九鎖不易到，作者七人相對閑。  
論語云作者七人庭下流泉翠蛟舞，  
洞中飛鼠白鴉翻。長松怪石宜霜鬢，  
不用金丹苦駐顏。



初自徑山歸述古名飲介亭以病先起  
西風初作十分涼喜見新橙透甲香  
遲暮賞心驚節物登臨病眼怯秋光  
慣眠處士雲庵裏倦醉佳人錦瑟旁  
猶有夢迴清興在卧聞歸路樂聲長

明日重九亦以病不赴述古會再用前韻

月入秋帷病枕涼霜飛夜葦故衾香  
可憐吹帽狂司馬空對親春老  
孟光不作雍容傾坐上翻成駢儻倚  
門旁人問此會論今古細看茱萸感歎長

九日尋臻閣梨遂泛小舟至懋師院二首

白髮長嫌歲月侵病眸無怕酒杯深  
南屏老宿閑相

過東閣郎君懶重尋試張露牙烹白雪  
休拈霜藥罇黃金扁舟又截平湖去  
欲訪孤山支道林

湖上青山翠作堆葱蔥鬱鬱氣佳哉  
笙歌叢裏抽身出雲水光中洗眼來  
白足赤髭迎我笑拒霜黃菊為

誰開明年桑苧煎茶處憶著衰翁首重廻

煎茶詩羽白并桑苧詩  
余來年九日去此久矣

九日舟中望見有美堂上魯少卿飲處以

詩戲之

指點雲間數點紅笙歌正擁紫髯翁  
誰知愛酒龍山客却在漁舟一葉中



西閣珠簾卷落暉水沉煙斷佩聲微遙知道德凌涼  
甚擁髻無言怨未歸

遊諸佛舍一日飲臘茶七椀戲書動師壁  
示病維摩元不病在家靈運已忘家何煩魏帝一丸  
藥且盡盧仝七椀茶

九日湖上尋周李二君不見君亦見尋於  
湖上以詩見寄明日乃次其韻

湖上野芙蓉含思愁脉脉娟然如靜女不肯傍阡陌  
詩人杳未來霜艷冷難宅君行逐鷗鷺出處浩莫榮  
葦間聞欸音雲表已飛屐使我終日尋逢花不恐摘

人生如朝露要作百年客謂彼終歲勞幸茲一日澤  
願言竟不遂人事多乖隔悟此知有命沉憂傷魂魄

送杭州杜咸陳三掾罷官歸鄉

秋風撼撼鳥枯蓼舫閣荒村夜悄悄正當逐客斷腸  
時君獨歌呼醉連曉老夫平生齊得喪尚戀微官失  
輕矯君今憔悴歸無食五斗未可秋毫小君言失意  
能幾時月啖蝦蟆行復皎殺人無驗中不快此恨終  
身恐難了徇時所得無幾何隨手已遭憂患繞期君  
正似種宿麥恐饑待食明年麩

次韻周長官壽星院同餞魯少卿



瑠璃百頃水仙家風靜湖平響釣車  
癖歷疎松敬晚照伶俜寒蝶抱秋花  
困眠不覺依蒲褐歸路相將踏桂華  
更著綸巾披鶴氅他年應作畫圖誇

次韻述古過周長官夜飲

二更鏡鼓動諾隣百首新詩問八珍  
已遣亂蛙成兩部更邀明月作三人  
雲煙湖寺家家境燈火沙河夜夜春  
曷不勸公勸秉燭老來光景似奔輪

述古以詩見責屢不赴會復次前韻

我生孤癖本無隣老病年來益自珍  
肯對紅裙詞白酒但愁新進笑陳人  
北山怨鶴休驚夜南畝中車欲

及春多謝清詩屢推轂稀膏那解轉方輪  
宋詩有雷輪之句

金門寺中見李留臺與二錢惟演唱和四

絕句戲用其韻跋之

帝城春日帽簷斜二陸初來尚憶家  
未肯將鹽下尊菜已應知雪似楊花

生平賀老慣乘舟騎馬風前怕打頭  
欲問君王乞符

竹但憂無蟹有監州世所傳錢氏故事

西臺妙迹縱揚風無限龍蛇洛寺中一紙清詩弔

興廢塵埃零落梵王宮



五季文章墮劫灰升平格力不全回故知前輩宗徐  
度數首風流似玉臺

胡穆秀才遺古銅器似鼎而小上有兩柱  
可以覆而不礙以為鼎則不足疑其飲器  
也胡有詩答之

隻耳獸鬣環長唇鴻鵠家三趾下銳春蒲短兩柱向  
張秋菌細君看翻覆俯仰間覆成三角翻兩鬣古書  
雖滿腹苟有用我亦隨世嗟君一見呼作鼎纔注升  
合已漂逝不如魚鱗夷盡日盛酒真良計古有魚  
字不可識

賀陳述古弟章生子

鬱葱佳氣祝充閭始見徐卿第二雛甚欲去為漫館  
客惟愁錯寫弄塵書參軍新婦賢相敵阿大中郎喜  
有餘我亦從來識英物試教啼看定何如

贈洽易僧智周

寒窓孤坐凍生竝尚把遺編照露螢閣東九師新得  
妙夢吞三畫舊通靈斷絃挂壁知音喪時與嵩深  
相知時之遊  
揮塵空山亂石聽齋罷何須更臨水胸中自有洗  
心經

張子野年八十五尚聞買妾述古今作詩  
錦里先生自笑狂莫欺九尺鬚眉蒼詩人老去罵罵



在公子歸來燕燕忙  
柱下相君猶有齒  
江南刺史已無腸  
平生謬作安昌客  
略遣彭宣到後堂

書雙竹湛師房

我本江湖一釣舟  
意嫌高屋冷飈飈  
羨師此室纔方丈  
一炷清香盡日留  
暮鼓朝鐘自擊撞  
閉門孤枕對殘缸  
白灰旋撥通紅火  
卧聽蕭蕭雪打窓

寶山新開徑

藤梢摘刺元無路  
竹杖撥鞋不用扶  
風自遠來聞語笑  
水分流處見江湖  
回觀佛國青螺髻  
踏遍仙人碧

玉壺野客歸時  
山月上棠梨  
葉戰暝禽呼

和述古冬日牡丹

一朵妖紅翠欲流  
春光回照雪霜羞  
化工只欲呈新巧  
不放閑花得少休

花開時節雨連風  
却向霜餘潦爛紅  
漏泄春光私一物  
此心未信出天工

當時只道鶴林仙  
能遣秋花發杜鵑  
誰信詩能迴造化  
直教霜拚放春妍

不多清霜入小園  
故將詩律變寒暄  
使君欲見藍關詠  
更倩韓郎為漆根



和錢安道寄惠建茶

我官于南今幾時嘗盡溪茶與山茗胸中似記故人  
面口不能言心自省為君細說我未暇試評其略差  
可聽建溪所產雖不同一天與君子性森然可愛  
不可慢骨清肉膩和且正雪花兩脚何之道愛過始  
知真味永縱復苦硬終可錄汲黯少憇寬饒猛草茶  
無賴空有名高者妖邪次頑愷體輕雖復強浮泛性  
滯偏工嘔酸冷其間絕品豈不佳張禹縱賢非骨鯁  
葵花玉鞵不易致道路幽險隔雲嶺誰知使若來自  
西開緘磊落收百餅嗅香嚼味本非別透紙自覺光

烟洞純糖團鳳友小龍奴隸日注臣雙井收藏愛惜  
待佳客不敢包裏鑽權倖此詩有味君勿傳空使時  
人怒生瘦

和柳子玉喜雪次韻仍呈述古

詩翁愛酒長如渴餅盡欲沽囊已竭燈青火冷不成  
眠一夜捩頰吟喜雪詩成就我覓歡處我窮正與君  
騁曩曷不走投陳孟公有酒醉君仍飽德瓊瑤欲盡  
天應惜更遣清光續殘月安得佳人擢素手笑捧玉  
盤兩奇絕豔歌一曲迴陽春坐使高堂生暖熟

弔天竺海月辯師三首



欲尋遺跡強沾裳本自無生可得亡今夜生公講堂  
月滿庭依舊冷如霜  
生死猶如臂屈伸情鍾我輩一酸辛樂天不是蓬萊  
客憑仗西方作主人  
欲訪浮雲起滅因無緣却見夢中身安心好住王文  
度此理何須更問人

李頎秀才善畫山以兩軸見寄仍有詩次  
韻荅之

平生自是箇中人欲向漁舟便寫真詩句對君難出  
手雲泉勸我早抽身年來白髮驚秋遠長恐青山與

新從此北歸休悵望囊中收得武林春

雪後至臨平與柳子玉同至僧舍見陳尉  
列

落帆古戍下積雪高如丘強邀詩老出踈髯散颯颯  
僧房有宿火手足漸和柔靜士素寡言相對自忘憂  
銅鑪擢煙秘石鼎浮霜漚我行雖有程坐穩且復留  
大哉天地間此生得浮遊

夜至永樂文長老院文時卧病退院

愁聞巴叟卧荒村東打三更月下門往事過年如昨  
日此身未死得重論老非懷土情相得病不開堂道



孟尊惟有孤栖舊時鶴舉頭見客似長言

柳氏二外生求筆迹

退筆成山未足珍讀書萬卷始通神君家自有元和脚莫馱家雞更問人

一紙行書兩絕詩遂良須鬢已如絲何當火急傳家法欲見誠懸筆諫時

錢安道席上令歌者道服

烏府先生鐵作肝霜風卷地不知寒猶嫌白髮年前少故點紅燈雪裏看他日卜隣先有約待君拔絃我休官如今且作華陽服醉唱儂家七返丹

除夜野宿常州城外二首

行歌野哭兩堪悲遠火低星漸向微病眼不眠非守歲鄉音無伴苦思歸重衾脚冷知霜重新沐頭輕感髮稀多謝殘燈不嫌客孤舟一夜許相依

南來三見歲云徂直恐終身走道塗老去怕看新曆日退歸擬學舊桃符煙花已作青春意霜雪偏尋病客鬚但把窮愁博長健不辭寂後飲屠蘇

元日過丹陽明日立春寄魯元翰

堆盤紅縷細茵陳巧與樹花兩鬪新竹馬異時寧信老土牛明日莫辭春西湖弄水猶應早北寺觀燈欲



及辰白髮蒼顏誰肯記曉來頻嚏為何人

古纏頭曲

鷓絃鐵撥世無有樂府舊工惟尚叟一生冢破眼繁  
人坐此困窮今白首翠鬢女子年十七指法已似呼  
韓婦鞋帆渡海風掣迴滿面沙塵和淚垢青衫不逢  
湓浦客紅裘漫插曹綱手爾來一見泉臺他使着臂  
講躬并曰我慙貧病百不足強對黃花飲白酒軟閑  
漢索動有神雷輓空堂戰窓牖四絃一抹攤袂立再  
拜十分為我壽世人只解錦纏頭與汝作詩傳不朽

刁同年草堂

不用長竿矯繡衣南園北第兩參差青山有約長當  
戶流水無情自入池歲久醱醪渾欲合春來揚柳不  
勝垂主人不用忽忽去正是紅梅着子時

惠山謁錢道人烹小龍團登絕頂望太湖  
踏遍江南南岸山逢山未免更留連獨携天上小圓  
月來試人間第二泉石路縈回九龍脊水光翻動五  
湖天孫登無語空歸去半嶺松聲萬壑傳

錢道人有詩云直須認取主人翁作兩絕  
戲之

首斷故應無斷者冰消那復有冰知主人若苦令儂



認認主人人竟是誰  
有主還須更有賓不如無鏡自無塵只從半夜安心  
後失却當年覺痛人

和蘇州太守王規甫侍太夫人觀燈之什  
余時以劉道原見訪滯留京口不及赴此  
會二首

不覺朱轡後塵爭看繡幃錦纏輪洛濱侍從三人  
貴京兆平反一笑春但逐東山携伎女那知後閣走  
窮賓滯留不見繁華事空作賡詩第七人  
翩翩綬時走香塵激激飛濤射火輪美酒留連三夜

月豐年傾倒五洲春時浙西皆以不熟安排詩律追  
強對贈登歸期為惡賓憶珥遺簪想無限華胥猶見  
夢回人

成都進士杜暹伯升出家名法通往來吳  
中

欲識當年杜伯升飄然雲水一孤僧若教俯首隨羶  
鎖料得如今似我能拈子玉云通若及弟不過似我

東坡集卷第五



東坡集卷第六

詩九十九首

虎丘寺

入門無平田石路穿細嶺陰風生澗壑古木翳潭井  
鴻盧誰復見秋水光耿耿鐵花秀巖壁殺氣嚇蛙黾  
幽坐生公堂左右立頑曠當年或未信異類服精猛  
胡為百歲後仙鬼互馳騁窈然留清詩讀者為悲哽  
東軒有佳致雲水麗千頃熙熙覽生物春意破淒冷  
我來屬無事暖日相與永喜鵲翻初旦愁鳥導落景  
坐見漁樵還新月溪上影悟彼良自怡歸田行可請



常潤道中有懷錢塘寄述古五首

從來直道不辜身，得向西湖兩過春。沂上已成曾黥  
眼，泮宮初采魯侯芹。休驚歲歲年年貌，且對朝朝莫  
莫人。細雨晴時一百六，畫船鼙鼓莫違民。

草長江南鶯亂飛，年來事事與心違。花開後院還空  
落，燕入華堂怪未歸。世上功名何日是，樽前點檢幾  
人非。去年柳絮飛時節，記得金籠放雪衣。  
執人以放  
為太守

壽

浮玉山頭日日風，即金山也湧金門外已春融。二年魚鳥

渾相識，三月鶯花付與公。剩看新翻眉倒暈，未應注

別臉消紅，何人織得相思字。寄與江邊北向鴻。

國豔天饒酒，半耐去年同賞。寄僧簪，但知撲撲晴香。

軟誰見，森森曉態。嚴毅雨共驚，無幾日。蜜蜂未許輒

先甜，應須火急迴。征棹一片詞枝，可得黏。

惠山泉下土，如濡陽羨溪頭米。勝珠賣劍買牛，吾欲

老殺雞為黍子，來無地。偏不信容高蓋，俗儉真堪着。

腐儒莫怪江南苦，留滯經營身計一生迂。

刁景純賞瑞香花憶先朝侍宴次韻

上苑夭桃自作行，劉郎去後幾回芳。馱後年少追新  
賞，深對宮花識舊香。欲贈佳人非泛浦，好紉幽佩弔



沉湘鶴林神女無消息為問何年返帝鄉

同柳子玉遊鶴林招隱醉歸呈景純

花時臘酒照人光歸路春風灑面涼劉氏宅邊霜竹  
老戴公山下野桃香巖頭正練無天靜泉底真珠濺  
客忙安得道人攜笛去一轂吹裂翠崖岡

景純見和復次韻贈之二首

解組歸來道益光坐看百物自炎涼卷簾堂上檀槽  
閑送客林間樺燭香淺量已愁當酒怯非才尤覺和  
詩忙何人貪佩黃金印千柱耽耽鎖北岡  
人間膏火正爭光每到歲春得暫涼多事始知田舍

好凶年偏覺野蘼香溪山勝畫徒能說來徑如撥為  
底忙老去此身無處著為翁栽插萬松岡

柳子玉亦見和因以送之兼寄其兄子璋道人

不羨腰金照地光整時假面弄西涼晴窗燕日肝腸  
暖古殿朝真屨袖香說靜故知猶有動無開底處更  
求忙先生官窳乘風去何用區區賦陟岡

子玉家宴用前韻見寄復答之

自酌金樽勸孟光更教長笛奏伊涼  
女逸太白扇枕郎君煩阿香詩病逢春轉深痼愁魔



得酒整奔忙醒時情味吾能說日在西南白草岡

景純復以二篇一言其亡兄與伯父同年

之契一言今者唱酬之意仍次其韻

靈壽扶來似孔光感時懷舊一悲涼瘡痍不獨同攀

桂雞舌還應共賜香亦同為郎等是浮休無得喪粗分憂

樂有閑忙年來世事如波浪鬱鬱誰知柏在岡

屢把鋸刀齒少光更遭華袞照龐涼蘇門山上莫長

蕭唐叟林中無別香燭燼已殘中夜刻槐花遠似昔

年忙背城借一吾何敢慎莫樽前替戾岡

金山寺與柳子玉飲大醉卧寶覺禪榻夜

方方醒書其壁

惡酒如惡人相攻劇刀箭頓然一榻上勝之以不戰

詩翁氣雄拔禪老語清軟我醉都不知但覺紅綠眩

醒時江月墮撼撼風響變惟有一龕燈二豪俱不見

大風留金山兩日

塔上一鈴獨自語明日顛風當斷渡朝來白浪打蒼

崖倒射軒窓作飛雨龍驤萬斛不敢過漁艇一葉從

掀舞細思城市有底忙却笑蛟龍為誰怒無事久留

童僕怪此風聊得妻孥許瀟山道人獨何事半夜不

眠聽粥鼓



監洞霄宮俞康直郎中所居四詠

退圃

百文休牽上瀨舩一鉤歸釣縮頭編園中艸木春無  
數只有黃楊厄閨年以說黃楊歲長一  
過一開退三十

逸堂

新第誰來作並隣舊官寧復憶星辰請君置酒喜當  
賀知向江湖拜故人

遜軒

冠蓋相望起隱淪先生那得老江村古來真遜何曾  
遜笑殺逾垣與閉門

遠樓

西山煙雨卷疎簾北戶星河落短簷不獨江天解空  
闊地偏心遠似陶潛

游鶴林招隱二首

郊原雨初霽春物有餘妍古寺滿脩竹深林聞杜鵑  
睡餘柳花墮日眩山櫻然西窓有病客危坐看香煙  
行歌白雲嶺坐咏脩竹林風輕花自落日薄山半陰  
澗草誰復識聞香杳難尋時見城市人幽居惜未深

書普慈長老壁志誠

普慈寺後千竿竹醉裏曾看碧玉椽倦客再遊行老



笑高僧一笑故依然久參白足知禪味苦歎黃公名鳥  
聒書眠惟有兩株紅百葉晚來猶得向人妍

書焦山綸長老壁

法師住焦山而實未嘗住我來輒問法法師了無語  
法師非無語不知所答故君看頭與足本自安冠屨  
譬如長鬣人不以長為苦一或入問每寢安所措  
歸來被上下一夜着無處展轉遂達晨意欲盡鑷去  
此言雖鄙淺故自有深趣持此問法師法師一笑許

刁景純席上和謝生二首

悞入仙人碧玉壺一歡那復問親疎杯盤狼藉吾何

敢車騎雍容子甚都此夜新聲聞北里他年故事紀

南徐欲窮風月三千界願化人天百億軀

縱飲誰能問挈壺不知門外曉星疎綺羅勝事齊三

閣賓主談鋒敵兩都榻畔煙花常歎杜海中童州尚

追徐母多酌我公須聽醉後麤狂膽滿軀

留別金山寶覺圓通二長老

沐罷巾冠快晚涼睡餘齒頰帶茶香蟻舟北岸何時

渡晞髮東軒未肯忙康濟此身殊有道醫治外物本

無方風流二老長還往顧我歸期尚渺茫

無錫道中賦水車



翻翻聯聯銜尾鴉  
竿竿確確蛻骨蛇  
分曉翠浪走雲  
陣刺水綠鍼抽稻  
牙洞庭五月欲飛沙  
墨鳴窠中如  
打衙天公不見老翁泣  
喚取阿香推雪車

杭州牡丹開時僕猶在常潤周令作詩見  
寄次其韻復次一首送赴闕

羞歸應為負花期  
已是成陰結子時  
與物寡情憐我  
老遣春無恨  
賴君詩玉臺不見朝  
酣酒金縷猶歌空  
折枝後此年年  
定相見欲師老圃問樊遲  
莫負黃花九日期  
人生窮達可無時  
十年且就三都  
賦萬戶終輕千首詩  
天靜傷鴻猶戢翼  
月明驚鷓未

安夜君看六月河無水  
萬斛龍驤到自遲

蘇州問丘江君二家雨中飲酒二首

小園陰陰遍灑塵  
方塘湫湫欲生紋  
已煩仙袂來行  
雨莫遣歌聲便駐雲  
肯對綺羅辭白酒  
試將文字惱  
紅裙今宵記取醒時節  
點滴空階獨自聞

五紀歸來鬢未霜  
十眉環列坐生光  
喚舫渡口迎秋  
女駐馬橋邊問秦娘  
曾把四絃娛白傅  
敢將百草鬪  
吳王從今却笑風流守畫戟  
空甍宴寢香

次韻沈長官三首

家山何在兩忘歸  
杯酒相逢慎勿違  
不獨飯山朝我



瘦也應糠覈怪君肥

男婚已畢女將歸累盡身輕志莫違誰道山中食無

肉玉池清水自生肥

造物知吾久念歸似憐衰病不知違風來震澤帆初

飽雨入松江水漸肥

戲書吳江三賢畫像三首

誰將射御教吳兒長笑申公為夏姬却遣姑蘇有康

庶更憐夫子得西施

范蠡

浮世功勞食與眠季鷹真得水中仙不須更說知機

早直為鱸魚也自賢

張翰

千首文章二頃田囊中未有一錢看却因養得能言

鴨驚破玉孫金彈丸

陸龜蒙

和劉孝對會席丘時王規甫齋素祈雨不

至二首

白簡威猶凜青山興已穰鶴閣雲作斃馳卧草埋峰

跪履若可教卜隣應見容因公問回老何處定相逢

太常齋未解不肯對纖穠只遣三千履來遊十二峰

林空荅清唱潭淨寫哀容歸去瑤臺路逕應月下逢

過永樂文長老已卒

初驚鶴瘦不可識旋覺雲歸無處尋三過門間老病



死一彈指頃去來今存亡慣見渾無淚鄉井難忘尚  
有心欲向錢塘訪圓澤葛洪川畔待秋深

贈張刁二老

兩邦山水未淒涼二老風流摠健強共成一百七十  
歲各飲三萬六千場戲春鴛鴦花開仁壽橋邊日  
月長惟有詩人被磨折金釵零落不成行

去年秋偶遊寶山上方入一小院閱然無  
人有僧隱几低頭讀書與之語漠然不甚  
對問其隣之僧曰此雲閣梨也不出十五  
年矣今年六月自常潤還復至其室則死

葬數月矣作詩題其壁

雲師來寶山一住十五秋讀書常閉戶客至不舉頭  
去年造其室清坐忘百憂我初無言說師亦無對酬  
今來復扣門空房但遺繩云已滅無餘薪盡火不留  
却疑此室中嘗有斯人不所遇孰非夢事過吾何求

聽僧詔素琴

至和無攪擘至平無按抑不知微妙聲究竟何從出  
散我不平氣洗我不和心此心知有在尚復此微吟

僧惠勤初罷僧職

軒軒青田鶴鬱鬱在樊籠既為物所縻遂與吾輩同



今來始謝去萬事一笑空新詩如洗出不受外垢蒙  
清風入齒牙出語如風松霜髮密病骨飢坐聽午鐘  
非詩能窮人窮者詩乃工此語信不妄吾聞諸醉翁  
遊靈隱高峰塔

言遊高峰塔葺食治野裝火雲秋未衰及此初旦涼  
霧霏熾谷暗日出草木香嘉我同來人久便雲水鄉  
相勸小舉足前路高且長古松攀龍蛇怪石坐牛羊  
漸聞鐘磬音飛鳥皆下翔入門空無有雲海浩茫茫  
惟見聳道人老病時絕糧問年笑不答但指穴藜林  
心知不復來欲歸更傍徑贈別留足雨今歲天早霜

八月十七日天竺山送桂花分贈元素

月缺霜濃細藥乾此花元屬桂堂仙鷲峰子落鸞前  
夜蟾窟枝空記昔年破戒山僧憐耿介練裙溪女闌  
清妍銀公採撷紉幽佩莫遣孤芳老澗邊

捕蝗至浮雲嶺山行疲苦有懷子由第二首

西來煙陣塞空虛灑遍秋田雨不如新法清平那有  
此老身窮苦自招渠無人可訴烏銜肉憶弟難憑犬  
寄書自笑迂踈皆此類區區猶欲理蝗餘

霜風漸欲作重陽熠熠溪邊野菊黃久廢山行疲弊



确尚能村醉舞淋浪獨眠林下夢魂好回首人間憂  
患長殺馬毀車從此逝子來何處問行藏

青牛嶺高絕處有小寺人迹罕到

暮歸走馬沙河塘爐煙裊裊十里香朝行曳杖青牛  
嶺崖泉咽咽千山靜君勿笑老僧耳聾喚不聞百年  
俱是可憐人明朝且復城中去白雲却在題詩處

新城陳氏園次晁補之韻

荒涼廢圃秋窳歷幽花晚山城已窮僻況與城相遠  
我來亦何事徒倚望雲嶽不見苦吟人清樽為誰滿

梅聖俞詩集中有毛長官者今於潛令國

華也聖俞沒十五年而君猶為令捕蝗至  
其邑作詩戲之

詩翁憔悴老一官厭見首蒼堆青盤歸來羞澁對妻  
子自比鮎魚緣竹竿今君滯留生二毛飽聽衙鼓眠  
黃紬更將朝笑調朋友人道狝猴騎士牛頭君恰似  
高常侍變為小邑仍刺史不願君為孟浩然却遭明  
主放還山官遊逢此歲年惡飛蝗來時半天黑羨君  
封境稻如雲蝗自識人人不識

與毛令方尉遊西菩寺二首

推擠不去已三年魚鳥依然笑我頑人未放歸江北



路天教看盡浙西山尚書清節衣冠後處士風流水  
石間一笑相逢那易得數詩狂語不須刪  
路轉山腰足未移水清石瘦便能奇白雲自占東西  
嶺明月誰分上下池黑黍黃梁初熟後未柑綠橘半  
甜時人生此樂須天賦莫遣兒曹取次知

聽賢師琴

大絃春溫和且平小絃廉折亮以清平生未識宮與  
角但聞牛鳴盎中雉登木門前剝豕誰扣門山僧未  
閑君勿瞋歸家且覓千斛水淨洗從來筆管耳

贈寫真何充秀才

春不見路州別駕眼如電左手挂弓橫撚箭又不見  
雪中騎驢孟浩然皺眉吟詩肩聳山飢寒富貴兩安  
在空有遺像留人間此身常擬同外物浮雲變化無  
蹤迹問君何苦寫我真君言好之聊自造黃冠野服  
山家容意欲置我山巖中勲名將相今何限往駕褒  
公與鄂公

回先生過湖州東林沈氏飲醉以石榴皮  
書其家東老庵之壁云西隣已富憂不足  
東老雖貧樂有餘白酒釀來因好客黃金  
散盡為收書西蜀和仲聞而次其韻三首



東老沈氏之老自謂也。湖人因以名之。其子偕作詩有可觀者。

世俗何知貧是病，神仙可學道之餘。但知白酒留佳客，不問黃公覓素書。

符籙道士晨興際，華岳先生尸解餘。忽見黃庭丹篆句，猶傳青紙小朱書。

淒涼雨露三年後，髣髴塵埃數字餘。至用榴皮緣底事，中書君豈不中書。

李行中秀才醉眠亭

已向閑中作地仙，更於酒裏得天全。從教世路風波

惡，賀監偏工水底眠。

君且歸休我欲眠，人言此語出天然。醉中對客眠何害，須信陶潛未苦賢。

孝先風味也堪憐，肯為周公晝日眠。枕麴先生猶笑汝，枉將空腹貯遺編。

甘露寺彈箏

多景樓上彈神曲，欲斷哀絃弄三促。江妃出聽霧雨愁，白浪翻空動浮玉。

峽孤猿彌與君合奏，芳春調豕木飛來霜樹杪。

單同年求德興俞氏聚遠樓詩三首



雲山煙水苦難親  
野草幽花各自春  
賴有高楼能聚  
遠一時收拾與閑人

無限青山散不收  
雲奔浪卷入簾鉤  
直將眼力為疆  
界何啻人間萬戶侯

聞說樓居似地仙  
不知門外有塵寰  
幽人隱几寂無  
語心在飛鴻滅沒間

平山堂次王居卿祠部韻

高會日陪山簡醉  
狂言屢發次公醒  
酒如人面天然  
白山向吾曹分外清  
江上飛雲來北固  
檻前脩竹憶南屏  
六朝興廢餘丘隴  
空使英雄笑寧馨

次韻陳海州書懷

鬱鬱蒼梧海上山

東海行州山云

蓬萊方丈有無間

舊聞草木皆仙藥  
欲棄妻孥守市闌  
雜志未成空自

歎故人相對若為顏  
酒醒却憶兒童事  
長恨雙鳧去

莫攀

陳曾今

次韻陳海州乘槎亭

人事無涯生有涯  
逝將歸釣漢江槎  
乘桴我欲從安  
石遁世誰能識  
子嗟日上紅波浮碧巘  
潮來白浪卷青沙  
清談美景雙奇絕  
不覺歸鞍帶月華

次韻孫職方蒼梧山



蒼梧奇事豈虛傳，荒怪還須問子華。遠託鼇頭轉滄海，來依鵬背負青天。或云靈境歸賢者，又恐神功亦偶然。聞道新春恣遊覽，羨君平地作飛仙。

次韻孫巨源寄連水李盛二著作并以此見

寄五絕

南嶽諸劉豈易逢，相望無復馬牛風。山公雖見無多

子，社燕何由戀塞鴻。昔與巨源別，黃父劉羊老，相與於山陽，自爾誤聞，惟巨源所者。

復相見於京口

高才晚歲終難進，勇退當年正急流。不獨二疎為可

慕，他時當有景孫樓。巨源近歸家海郡，有景孫樓。

漱石先生難可意，謂巨源齧氈校尉久無用。謂自應知客

路愁無柰，故遣吟詩調李陵。謂李君也

雲雨休排神女車，忠州老病畏人誇。詩豪正值安仁

在，空看河陽滿縣花。盛為邑宰

膠西未到吾能說，桑柘禾麻不見春。不羨京塵騎馬

客，羨他淮月弄舟人。

王莽

漢家殊未識經綸，入手功名事事新。百尺穿成連夜井，千金購得解飛人。

董卓

八段集卷六

七



公業平時勸用儒諸公何事起相圖只言天下無健  
者豈信車中有布乎

馬兒

舊聞老蚌生明珠未省老兔生於菟老兔自謂月中  
物不騎快馬騎蟾蜍蟾蜍爬沙不肯行坐令青衫垂  
白鬚於菟駿猛不類渠指揮黃熊駕黑羆丹砂紫麝  
不用塗眼光百步走妖狐妖狐莫誇智有餘不勞搖  
牙咀爾徒

除夜病中贈段屯田

龍鍾三十九勞生已強半歲莫日斜時遂為昔人歎

樂天詩云行年三十歲莫日斜時今年一線在那復堪把玩欲起強  
持酒故交雲雨散惟有病相尋空齋為老伴蕭條燈  
火冷寒夜何時旦勸僕觸屏風飢鼯嗅空案數朝閉  
閣卧霜髮秋蓬亂傳聞使者來策杖就梳盥書來苦  
安慰不怪造請緩大夫忠烈後高義金石貴要當擊  
權豪未肯覲衰懦此生何所似閻盡灰中炭歸田計  
已決此邦聊假館三徑粗成貲一枝有餘煖願君更  
信宿庶奉一笑祭

喬太博見和復次韻答之

百年三萬日老病常居半其間迂憂樂歌笑雜悲歎



顛倒不自知直為神所玩  
須臾便堪笑萬事風雨散  
自從識此理久謝少年伴  
逝將遊無何豈暇讀城旦  
非才更多病二事可并案  
愧煩賢使者珥節整紛亂  
喬侯瑚璉質清廟嘗薦盥  
奮驂百吏走坐變齊俗緩  
未遭甘鷓退並進恥魚貫  
每聞議論餘凜凜傲貧懦  
莫邪當自躍豈復煩爐炭  
便應朝秣越未暮刷燕館  
胡為守故丘眷戀桑榆煖  
為君扣牛角一咏南山絜  
二人再和亦再答之

寒雞知將晨飢鶴知夜半  
亦如老病客過節常感歎  
光陰等敲石過眼不容玩  
親友如搏沙放手還復散

羈孤每自笑寂寞誰肯伴  
元達號神君晉籍吏喬知

高論森月旦紀明本賢將及釋之本齊家汨沒事堆案欣然

肯相顧夜閣燈火亂盤空愧不飽  
酒薄僅堪盥雍容

許着帽不怪安石緩雖無窈窕人  
清唱弄珠貫幸有

從橫舌說劍起慵慵二豪沉下位  
暗火理濕炭豈似

草玄人默默老儒館行看富貴逼  
炙手借餘煖應念

苦思歸登樓賦王粲

雪後書北臺壁二首

黃昏猶作雨纖纖夜靜無風勢  
轉巖但覺衾裯如潑  
水不知庭院已堆鹽五更曉色來  
書幌半月寒聲落



畫簷試掃北臺看馬耳未隨埋沒有雙尖  
城頭初日始繚鴉陌上晴泥已沒車凍合玉樓寒起  
粟光搖銀海眩生花遠蝗入地應千尺宿麥連雲有  
幾家老病自嗟詩力退空吟冰柱憶劉叉

謝人見和前篇二首

已分酒盃欺淺懦敢將詩律闕深嚴漁叢句好應須  
畫柳絮才高不道鹽敗履尚存東郭拍飛花又舞謫  
仙簷書生事業真堪笑恐寒孤吟筆遶尖  
九陌淒風戰齒牙銀杯逐馬滯隨車也知不作堅牢  
玉無柰能開項刻花得酒強歡愁底事閉門高卧定

誰家臺前日暖君頭愛冰下寒魚漸可叉

鐵溝行贈喬太博

城東坡壠何所似風吹海濤低復起城中病守無所  
為走馬夾尋鐵溝水鐵溝水淺不容鞞恰似當年韓  
與侯有魚無魚何足道駕言聊復寫我憂荒村野店  
亦何有欲發狂言瀆斗酒山頭落日側金盃倒着接  
離搔白首忽憶從軍年少時輕裘細馬百不知臂方  
腰箭南山下追逐長揚射獵兒老去同君兩憔悴  
夜醉歸人不避今年定起故將軍未肯先誅灞陵尉  
出城送客不及步至溪上二首



送客客已去尋花花未開未能城裏去且復水邊來  
父老借問我史君安在哉今年好雨雪會見麥千堆  
春來六十日突口幾回開會作堂堂去何妨得得來  
勸游行老矣舊隱賦歸我東望峨眉小廬山翠作堆  
却東廬山絕  
類峨眉而小

蘇州姚氏三端堂

此文山  
以華周

君不見董邵南隱居行義孝且慈未公亦恐無人知  
故令雞狗相哺兒又令韓老為作詩爾來三百年名  
與淮水東南馳此人世不之此事亦時有振橋三端  
皆目見天意宛在虞繅後惟有此詩非昔人君更往

求無價手

莫笑銀杯小

蒼喬大樽

陶潛一縣令獨飲仍獨醒猶將公田二頃五十畝種  
秫作酒不種菑我今誰為二千石歲釀百石何以醉  
賓客請君莫笑銀杯小爾來歲早東海窄會當排衣  
歸故丘作書貸粟監河侯萬斛船中着美酒與君一  
生長拍浮

送段屯田分得予字

勸農使者古丈夫不惜春衫踐泥塗三事靡盬君甚  
劬奉常客卿虬兩頰東武縣今天馬駒泮宮先生非



俗儒相與野飲四子俱樂哉此樂城中無溪邊築杖  
自攜壺腰笏不煩何易于膠西病守老且迂空齋愁  
坐紛墨朱四十豈不知頭顛畏人不出何其愚

和段屯田荆林館

南山有佳色無人空自奇清詩為題品草木變芬菲  
謝女得秀句留待中郎歸便當勤鞭策僕勸馬亦飢  
長有姪  
女在密

贈上天竺辯才師

南北一山門上下兩天竺中有老法師瘦長如鸛鶴  
不知修何行碧眼照山谷見之自清涼洗盡煩惱毒

坐令一都會勇文禮白足我有長頭兒角頰峙犀玉  
四歲不知行抱負煩背腹師來為摩頂起走趁奔鹿  
乃知戒律中妙用謝羈束何必言法華伴狂啖魚肉  
遊廬山次韻章傳道

塵容已似服棘駒野性猶同縱壑魚出入巖巒千仞  
表較量筋力十年初雖無窈窕驅前馬還有鷗夷挂  
後車莫笑吟詩淡生活當令阿買為君書

廬山五詠

廬山五詠

圖經云  
秦博士  
難此山  
遂得道

上界是官府飛昇亦何益還在此山中相逢不相識



飲酒臺

博士雅好飲空山誰與娛莫向驪山去君王不喜儒

聖燈巖

石室有金丹山神不知祕何必露光芒夜半蘄童稚

三泉

皎皎巖下泉無人遂自潔不用此三星清光同一月

障日峰

其狀類蛾眉但小耳

長安自不遠蜀客苦思歸莫教名障日與作小峨眉

東坡集卷第六

東坡集卷第七

詩八十三首

次韻章傳道喜雨

得常山雨得

去年夏旱秋不雨海味居民飲鹹苦今年春煖欲生

蠅地上戢戢多於土須臾一旦開兩翅口吻如風那

肯吐前時渡江入吳越布陣橫空如項羽去歲錢塘自

尾困牛馬啖鬣衣服蒙房戶坐觀不救亦何心秉畀

炎火傳自古荷鋤散掘誰救後得未濟飢還小補常

山山神信英烈撫焉當公誦靈母應憐郡守老且愚



欲把瘡痍手摩撫山南歸時風色變中路已覺商羊  
舞夜窓騷騷聞不竹朝暉泫泫添膏乳後來蝗旱必  
相資此事喜聞者未語庶將積潤掃遺孽收拾豐歲  
還明主縣前已審八千斛春及今得率以一勝  
完一畝更看蠶婦過初賦不復生笑未用賀客來  
夢干先生筆力吾所畏壓踏鮑謝跨徐庾偶然談笑  
得佳篇便恐流傳成樂府陋邦一雨何足道吾君盛  
德九州普中和樂職幾時作試向諸生選何武

謝郡人田賀二生獻花

城裏田負外城西賀秀才不愁家四壁自有錦千堆

珍重尤奇品艱難寂後開芳心困落日薄艷戰經雷  
昨日雷雨老守仍多病壯懷先已灰慙此繁者賀三不  
攀折為誰哉玉腕拉紅袖金樽馮白醅何當鑷霜鬢  
強插滿頭迴

惜花

吉祥寺中錦千堆錢塘花前年賞真盛於道人勸  
我清明來腰鼓百面如春雷打徹涼州花自開沙河  
塘上插花回醉倒不覺吳兒咍豈知如今雙鬢推成  
西古寺沒蒿萊有僧閉門手自裁千枝萬葉巧翦裁  
就中一叢何所似馬腦盤成金縷杯而我食菜方清



齋對花不飲花應猜夜來雨電如李梅紅殘綠暗吁  
可哀

和頌教授見寄

用除夜韻

我笑陶淵明種秫二頃半婦言既不用還有責子歎  
無絃則無琴何必勞撫玩我笑劉伯倫醉髮蓬莖散  
二豪苦不納獨以鍾自伴既死何用埋此身同夜旦  
孰云二子賢自結兩重按笑人還自笑出口談治亂  
一生涸塵垢晚以道自盟無成空得懶坐此百事緩  
不聞頌夫子講道出新貫豈無一尺書恐不記庸懦  
陋邦貧且病數米銖稱炭慙愧章先生十日坐空館

袖中出子詩貪讀酒屢煖狂言各瀕慎勿使翰新察

和子田四首

韓太祝送遊太山

偶作郊原十日遊未應回首厭籠囚但發塵土驅馳  
足紉把雲山爛漫酬聞道逢春思濯錦便須到處覓  
菟裘恨君不上東封頂夜看金輪出九幽

送春

夢裏青春可得追欲將詩句絆餘暉酒闌病客惟思  
睡蜜熟黃蜂亦懶飛芍藥櫻桃俱掃地病過此鬢然  
禪榻兩忘機憑君借取法界觀一洗人間萬事非書來



云近看此書  
余未嘗見也

首夏官舍即事

安石榴花開最遲絳裙深樹出幽菲吾廬想見無限  
好客子倦遊胡不歸坐上一樽雖得滿古來四事巧  
相違令人却憶湖邊寺垂柳陰陰晝掩扉

送李供備席上和李詩

家嚴赫奕蓋并涼也解微吟錦瑟傍  
摩水取魚湖起浪引杯看劍坐生光  
風流別後人人憶才罷歸來種  
種長不用更貪窮事業風騷分付與沈湘

西齋

西齋深且明中有六尺牀病夫朝睡足危坐覺日長  
昏昏既非醉踽踽亦非狂褰衣竹風下穆然中微涼  
起行西園中草木含幽香榴花開一枝桑棗沃以光  
鳴鳩得美蔭因立忘飛翔黃鳥亦自喜新音變圓吭  
杖藜觀物化亦以觀我生萬物各得時我生日皇皇

小兒

小兒不識愁起坐牽我衣我欲嗔小兒老妻勸兒癡  
兒癡君更甚不樂愁何為還坐愧此言洗盞當我前  
大勝劉伶婦區區為酒錢

寄劉孝村

東坡集上卷



君王有意誅驕虜，推破銅山鑄銅虎。聯翩三十七將，  
軍走馬西來，各開府。南山伐木作車軸，東海取鼉漫  
戰鼓。汗流奔走誰敢後，恐乏軍興。汗資斧，保甲連村  
團未遍。万田訟牒紛如雨，尔來手實降新書。抉剔根  
株窮脉縷，詔書劄怛信深厚。吏能淺薄空勞苦，平生  
學問止流俗。衆衰筮筮誰比數，忽令獨奏鳳將雛。倉  
卒欲吹那得譜，沈復連年苦飢饉。剝齧草木啖泥土，  
今年雨雪頗應時。又報蝗蟲生翅股，憂來洗盞欲強  
醉。寂寞虛齋臥空甌，公厨十日不生煙。更望紅裙踏  
筵舞，故人屢寄山中信。只有當歸無別語，方將雀鼠

偷太倉，未肯衣冠掛神武。吳興文人真得道，平日立  
朝非小補。自從四方冠蓋鬧，歸作二浙湖山主。高蹤  
已自雜漁釣，大隱何曾弃簪組。去年相從殊未乏，問  
道已許談其祖。逝將弃官往卒業，俗緣未盡那得覩。  
公家只在雪溪上，上有白雲如白羽。應憐進退苦，皇  
皇更把安心教。初祖

孔長源挽詞二首

少年才氣冠當時，晚節孤風益自奇。君勝宜為夫子  
後，林宗不愧蔡邕碑。南荒尚記誅元惡，東越誰能事  
細兒。耆舊如今幾人在，為君無憾為時悲。



小堰門頭柳繫船吳山堂上月侵筵朝敲夜半千巖

響詩句明朝萬口傳

長源自越過杭夜飲有美堂上

落海門迤廬兩

豈意日斜庚子後忽驚歲在己辰年

佳城一閉無窮事南望題詩淚灑殘

寄呂穉仲寺丞

孤山寺下水侵門每到先看醉墨痕楚相未亡談笑

是中郎不見典刑存

抗有俗人善辛呂舉指酷以別後常合作之以為笑

君先

去踏塵埃陌我亦來尋桑棗村回首西湖真一夢灰

心霜鬢更休論

余主簿母挽詞

閨庭蘭玉照鄉閭自昔雖貧樂有餘豈獨家人在中

餽却因麟趾識關雎雲軒忽已歸仙府喬木依然擁

舊廬忍把還鄉千斛淚一時灑向老萊裾

送趙寺丞寄陳海州

景疎樓上喚峨眉君到應先誦此詩若見孟公投轄

飲莫忘衝雪送君時

荅陳述古二首

漫說山東第二州棗林桑泊負春遊城西亦有紅千

葉人老簪花却自羞

小桃破萼未勝春羅綺叢中第一人聞道使君歸去



後舞衫歌扇揔生塵

陳有小妓述古稱之

張安道樂全堂

列子馭風殊不惡猶被莊生譏數數步兵飲酒中散  
琴於此得全非至樂樂全居士全於天維摩丈室空  
翛然平生痛飲今不飲無琴不獨琴無絃我公天與  
英雄表龍章鳳姿照魚鳥但今端委坐廟堂此狄西  
戎談笑了如今老去苦思歸小字親書寄我詩試問  
樂全全底事無全何處更求虧

張文裕挽詞

高才本出朝廷右能事空推德業餘每見便聞曹植

句至今傳寶魏華書濟南名士新凋喪劍外生祠已  
絮除欲寄西風兩行淚依然喬木鄭公廬

懷西湖寄晁美叔同年

西湖天下景遊者無愚賢深淺隨所得誰能識其全  
嗟我本狂直早為世所捐獨專山水樂付與寧非天  
三百六十寺幽尋遂窮年所至得其妙心知口難傳  
至今清夜夢耳目餘芳鮮若持使者節風采爍雲煙  
清流與碧巘安肯為君妍胡不屏騎從雙借僧榻眠  
讀我壁間詩清涼洗煩煎策杖無道路直造意所便  
應逢古漁父葦間自寅緣問道若有得買魚勿論錢



和梅戶曹會獵鐵溝

山西從古談三明誰信儒冠也捍城竿上鯨鯢猶未

掩近集草中孤兔不須驚東州趙吏飲無敵南國梅

仙詩有聲不向如皋閑射雉歸來何以得卿卿是日

趙不射

祭常山回小獵

青蓋前頭點皂旗黃茅岡下出長圍弄風驕馬跑空

立趁兔蒼鷹掠地飛回望白雲生翠嶽歸來紅葉滿

征衣聖朝若用西涼簿白羽猶能效一揮

和章七出守湖州二首

方丈仙人出渺茫高情猶愛水雲鄉功名誰使連三

捷身世何緣得兩忘早歲歸休心共在他年相見話

偏長只應未報君恩重清夢時時到玉堂

絳闕雲臺認有名應須極貴又長生鼎中龍鬪黃金

賤松下龜蛇綠骨輕君好爐火雪水未渾纓可濯弃

峯初見眼應明兩巵春酒真堪羨獨占人間分外榮

和張子野見寄三絕句

前生我已到杭州到處長如到舊遊更欲洞霄為隱

吏一庵閑地且相留過舊遊

狂吟跌宕無風雅醉墨淋漓不整齊應為詩人一回



顧山僧未忍掃黃泥 見題壁

柏堂南畔竹如雲此閣何人是主人但遣先生披鶴

氅不須更畫樂天真 竹閣見憶

和蔣夔寄茶

我生百事常隨緣四方水陸無不便扁舟渡江適吳  
越三年飲食窮芳鮮金盞玉鑪飯炊雪海螵江柱初  
脫泉臨風飽食甘寢罷一甌花乳浮輕圓自從捨舟  
入東武沃野便到桑麻川翦毛胡羊大如馬誰記麻  
角腥盤筵厨中烝粟埋飯甕大杓更取酸生涎拓  
羅銅碾弃不用脂麻白土須盃研故人猶作舊眼看

謂我好尚如當年沙溪北苑強分別水脚一線爭  
先清詩兩幅寄千里紫金百餅費萬錢吟哦烹噉兩  
奇絕只恐偷乞煩封纏老妻稚子不知愛一半已入  
薑鹽煎人生所遇無不可南北嗜好知誰賢死生既  
福久不擇更論甘苦爭蚩妍知君窮旅不自擇因詩  
寄謝聊相鐫

荅李邦直

美人如春風著物物未知羈愁似冰雪見子先流澌  
子從徐方來吏民舉熙熙扶病出見之攜我一何哀  
知我久慵倦起我以新詩詩詞如醇酒盞然薰四支



徑飲不覺醉欲和先昏疲西齋有蠻帳風雨夜紛披  
放懷語不擇撫掌笑脫頤別來今幾何春物已含姿  
柳色日夜暗子來竟何時徐方雖云樂東山禁遊嬉  
又無狂太守何以解憂思聞子有賢婦華堂詩鏤斯  
盍不倒囊賣劍買蛾眉不用教絲竹唱我新歌詞  
和文與可洋川園池三十首

湖橋

朱欄畫柱照湖明白葛烏紗曳履行橋下龜魚晚無  
數識君拄杖過橋聲

橫湖

貪看翠蓋擁紅粧不覺湖邊一夜霜卷却天機雲錦  
段從教匹練寫秋光

書軒

雨昏石硯寒雲色風動牙籤亂葉聲庭下已生書帶  
草使君疑是鄭康成

冰池

不嫌冰雪遠池看誰似詩人巧耐寒記取義之洗硯  
處碧琉璃下黑蛟蟠

竹塢

晚節先生道轉孤歲寒惟有竹相娛籬才杜牧真堪



笑喚作軍中十萬夫

荻浦

雨折霜乾不耐秋  
白花黃葉使人愁  
月明小艇湖邊宿  
便是江南鸚鵡洲

蓼嶼

秋歸南浦蟪蛄鳴  
霜落橫湖沙水清  
卧雨幽花無限意  
挹叢寒蝶不勝情

望雲樓

陰晴朝暮幾回新  
已向虛空付此身  
出本無心歸亦好  
白雲還似望雲人

天漢臺

漾水東流舊見經  
銀潢左界上通靈  
此臺試向天文覓  
閣道中間第幾星

待月臺

月與高人本有期  
挂簷低戶暎蛾眉  
只從昨夜十分滿  
漸覺冰輪出海遲

二樂榭

此間真趣豈容談  
二樂并君已是三  
仁智更煩訶妄見  
坐令魯叟作瞿曇

來詩云二見曰妄生

灑泉亭



聞道池亭勝兩川應須爛醉蒼雲煙勸君多揀長腰  
米消破亭中萬斛泉

吏隱亭

縱橫憂患滿人間頗怪先生日日閑昨夜清風眠北  
牖朝來爽氣在西山

霜筠亭

解籜新篁不自持嬋娟已有歲寒姿要看凜凜霜前  
意須待秋風粉落時

無言亭

慙慙稽首維摩詰敢問如何是法門彈指未終千偈

了向人還道本無言

露香亭

亭下佳人錦繡衣滿身嬰珞綴明璣晚香消歇無尋  
處花已飄零露已晞

函虛亭

水軒花榭兩爭妍秋月春風各自偏惟有此亭無一  
物坐觀萬景得天全

溪光亭

決去湖波尚有情却隨初日動簷楹溪光自古無人  
畫憑仗新詩與寫成



過溪亭

身輕步穩去忘歸  
四柱亭前野約微  
忽悟過溪還一笑  
水禽驚落翠毛衣

披錦亭

煙紅露綠曉風香  
燕舞鶯啼春日長  
誰道使君貧且老  
鱗鬚錦帳咽笙簧

禊亭

曲池流水細鱗鱗  
高會傳觴似洛濱  
紅粉翠蛾應不  
沒畫船來往  
迷於人

菡萏亭

日日換床趨下風  
清香不盡思何窮  
若為他作龜千  
歲巢向田田亂葉中

茶蘼洞

長憶故山寒食夜  
野茶蘼發暗香來  
分無素手簪羅  
髻且折霜蕤浸玉醅

貧富谷

漢川備竹賤如蓬  
斤芥何曾救釋龍  
料得清貧饒太  
守渭濱千畝在胸中

寒蘆港

溶溶晴港漾春暉  
蘆笋生時柳絮飛  
還有江南風物



石桃花流水紫魚肥

野人廬

少年辛苦事犁鉏  
剗厩青山遠故居  
老覺華堂無意味  
却須時到野人廬

此君庵

寄語庵前抱節君  
與君到處合相親  
寫真雖是文夫子  
我亦真堂作記人

金橙徑

金橙縱復里人知  
不見鱸魚價自低  
須是松江煙雨裏  
小船燒薤擣香齏

南園

不種天桃與綠楊  
使君應使農桑春  
畦雨過羅紈膩  
夏壠風來餅餌香

北園

漢水巴山樂有餘  
一麾得許首歸塗  
北園村水憑君問  
許我他年作主無

寄題刁景純截春塢

白首歸來種萬松  
待看千尺舞霜風  
年拋造物陶甄外  
春在先生杖履中  
揚柳長齊低戶暗  
櫻桃爛熟滴堦紅  
何時却與徐元直  
共訪襄陽龐德公



玉盤盃二首 并序

東武舊俗每歲四月大會于南禪資福兩寺以芍藥  
供佛而今歲寂盛凡七千餘朵皆重拊思夢繁麗豐  
碩中有白花正圓如覆盃其下十餘葉猶大承之如  
盤姿格絕異獨出於七千朵之上云得之於城北蘇  
氏園中周宰相莒公之別業也而其名但甚乃為易  
之  
雜花狼籍占春餘芍藥開時掃地無兩寺旌成寶纓  
絡一枝爭看玉盤盃佳名會作新翻曲絕品難尋舊  
畫圖從此定知年穀熟姑山親見雪肌膚

花不能言意可知  
若痛飲更無疑  
但持白酒勸嘉  
客直待蓮舟覆玉  
負郭相君初擇地  
看羊屬國首  
吟詩吾家豈與花  
和厚更問殘芳有  
幾枝

和潞公題松臺次韻

我公厭富貴常苦繁業尋  
和潤赤松子永望白雲岑  
清風出談笑萬竅為踴吟  
吟成超然詩洗我蓬之心  
嗟我本何人縻庶強冠襟  
身微空志大交淺屢言深  
囑公如得謝呼我幸寄音  
但恐酒錢盡煩公揮橐金  
聞喬太博換左藏知欽州  
以詩招飲  
今年果起故將軍幽夢清  
詩信有神馬革裹尸真細



事虎頭食肉更何人陣雲冷壓黃茆瘴羽扇斜揮白  
葛巾痛飲從今有幾日西軒月色夜來新

喬將行烹鳩鹿出刁劔以斂容以詩戲之  
破匣哀鳴出素虬倦看鷓鴣聽嘒嘒明朝只恐燕烹  
鶴此去還須却佩牛便可知呼報恩子不妨仍帶醉  
鄉侯他年萬騎歸應好奈有移文在故丘

次韻劉貢父李公擇見寄二首

白髮相望兩故人眼看時事幾番新曲無和者應思  
郢論少卑之且借秦歲惡詩人無好語公擇來詩皆  
道失中飢苦  
之夜長鰥守向誰親貢父近  
夜偶少思多睡無如我鼻息

雷鳴撼四鄰

何人勸我此間來紱管生衣甌有埃涿蟻濡眉無百  
斛蝗蟲撲面已三回磨刀入谷追窮寇洒涕循城拾  
弃狹為郡鮮歡君莫歎猶勝塵土走章臺

寄黎眉州

膠西高處望西川應在孤雲落照邊瓦屋寒堆春後  
雪峨眉翠掃雨餘天沿經方笑春秋學好士今無六

十賢君少春秋受知於陽文  
忠公自歸六一居士且待淵明賦歸去共

將詩酒趁源年

和趙郎中捕蝗見寄次韻



麥穞人許長穀苗牛可從天公獨何意恐使蝗蟲發  
驅攘著令典農事安可忽我僕既胼胝我馬亦款斫  
飛騰漸云少筋力亦已竭苟無百篇詩何以醒睡兀  
初如豨豕澹漸若決澣渤往來供十吏腕脫不容歇  
平生輕妄庸熟視笑魏勃愛君有逸氣詩壇專斬伐  
民病何時休吏職不可越慎無及世事向空書出出

登常山絕頂廣嚴亭

西望穢陵關東望琅邪臺南望九仙山北望空飛埃  
相將叫虞舜遂欲歸蓬萊嗟我二三子狂飲亦荒哉  
紅裙欲仙去長笛有餘哀清歌入雲霄妙舞纖腰回

自從有此山白石封蒼苔何嘗有此樂將去復徘徊  
人生如朝露白髮日夜催弃置當何言萬劫終飛灰

薄薄酒二首 并序

膠西先生趙明村家貧好飲不擇酒而醉常云薄薄  
酒勝茶湯醜醜婦勝空房其言雖俚而近乎達故推  
而廣之以補東州之樂府既又以為未也復自和一  
篇聊以發覽者之一喙云耳

薄薄酒勝茶湯麤麤布勝無裳醜妻惡妾勝空房五  
更待漏靴滿霜不如三伏日高睡足北窓涼珠繡玉  
押萬人祖送歸此印不如懸鶉百結獨坐負朝陽生



前富貴死後文章百年瞬息萬世忙夷齊盜蹻俱亡  
羊不知眼前一醉是非憂樂都兩忘  
薄薄酒飲兩鍾麤麤布著兩重美惡雖異醉暖同醜  
妻惡妾壽乃公隱居求志義之後本不計較東華塵  
土北窓風百年雖長要有終富死未必輸生窮但恐  
珠玉留君容千載不朽遭樊崇文章自足欺盲聾誰  
使一朝富貴面發紅達人自達酒何功世間是非憂  
樂本來空

同年王中甫挽詞

先帝親收十萬人四方爭看擊鵬鯤如君才業真堪

用顧我衰遲不足論出處陞沉十年後死生契闊  
人存他時京口尋遺迹宿草猶應有淚痕仁宗朝  
良十五人

七月五日二首

避謗詩尋醫畏病酒入務蕭條北窓下長日誰與度  
今年苦炎熱草木困薰煮況我早衰人幽居氣如縷  
秋來有佳興秫稻已含露還復此微吟往和糟床注  
何處覓新秋蕭然北臺上秋來未云幾風日已清亮  
雲間倚孤翠於表浮遠漲新棗漸堪剝晚瓜猶可餉  
西風送落日萬竅含悽悵念當急行樂白髮不汝放

今惟富鄭公張宣  
純老及余與舍弟有耳



趙郎中見和戲復答之

趙子吟詩如潑水一揮三百八十字奈何效我欲尋  
醫恰似西施藏白地趙子飲酒如淋灰一年十萬八  
千杯若不令君早入務飲竭東海生黃埃我哀臨政  
多繆錯羨君精采如秋鶻頗哀老子今日飲為君坐  
孺主畫諾

次韻周邠寄鴈蕩山圖二首

拍點先憑採藥翁丹青化出大槐宮眼明小閣浮煙  
翠齒吟新詩噤雪風二華行觀雄陝右九仙今已歷  
京東將赴河中密延太華九仙  
在東武奇秀不減瀛蕩也此生的有尋山分已

覺溫台落手中

西湖三載與君同馬入塵埃鶴入籠東海獨來看出  
日石橋先去踏長虹遙知別後添華髮時向樽前說  
病翁所恨蜀山君未見他年攜手醉鄆筒

送碧香酒與趙明對教授

聞君有婦賢且廉勸君慎勿為楚相不羨紫駝分御  
食自遣赤脚沽村釀嗟君老狂不知愧更吟醜婦惡  
嘲謗諸生聞語定失笑冬暖豨寒卧無帳碧香近出  
帝子家鵝兒破殼酥流盞不學劉伶獨自飲一壺往  
助齊眉餉



趙既見和復次韻答之

長安小吏天所放，日夜歌呼和丞相。豈知後世有阿

瞞曾公自言

北海樽前授私釀，先生未出禁酒國。詩

語孤高常近謗，幾日無酒欲沽君。却畏有司書簿帳

近制公使酒酸寒可笑分一斗，日飲如何足素盞。更

將險語壓衰翁，只恐自是臺無餉。

趙郎中往莒縣逾月而歸復以一壺遺之

仍用元韻

東隣主人遊不歸，悲歌夜夜聞春相。門前人關馬

急，一家喜氣如春釀。王事何曾怨獨賢，室人業業

譏謗大兒，跟蹤越門限。小兒咿啞語，繡帳之教舞袖

掣伊涼。更想夜庖鳴甕，盜題詩送酒。君勿謂免使退

之朝一餉。

蘇潛聖挽詞

妙齡馳譽百夫雄，晚節忘懷大隱中。惆悵無華真漢

吏，文章爾雅稱吾宗。趨時自負平生志，有子還應不

死同。惟我閑思十年事，數行老淚寄西風。

東坡集卷第七



東坡集卷第八

詩七十二首

和晁同年九日見寄

仰看鸞鶴刺天飛富貴功名老不思病馬已無千里  
志騷人長負一秋悲古來重九皆如此別後西湖付  
與誰遣子窮愁天有意吳中山水要清詩

送喬施州

恨無負郭田二頃空有載行書五車江上青山橫絕  
壁雲間細路躡飛虵雞豨黑暗通蠻貨胡人謂犀  
關黃連採蜜花共怪河南門下客不應萬里向長沙



喬受知於吳丞相而  
施州風土大類長沙

夜雪獨宿柏仙庵

晚雨纖纖變玉霏小庵高卧有餘清  
夢蘊忽有穿窓片夜靜惟聞瀉竹聲  
稍壓冬温聊得健未濡秋旱若為耕  
天公用意真難會又作春風爛漫晴

和孔郎中荆林馬上見寄

秋禾不滿眼宿麥種亦稀永愧此邦人  
芒刺在膚肌平生五千卷一字不救饑  
方將怨無襦忽復歌緇衣堂堂孔北海  
直氣凜群兒朱輪未及郊清風已先馳  
何以累君子十萬貧與羸滔滔滿四方  
我行竟安之

何時劔關路春山聞子規

留別雩泉

舉酒屬雩泉白髮日夜新何時泉中天  
復照泉上人二年飲泉水魚鳥亦相親  
還將弄泉手遮日向西春

留別釋迦院牡丹呈趙倅

春風小院却來時壁間惟見使君詩  
應問使君何處去憑花說與春風知  
年年歲歲何窮已花似今年人老矣  
去年雀護若重来前度劉郎在千里

董儲郎中嘗知眉州與先人遊過安丘訪  
其故居見其子希甫留詩屋壁



白髮郎潛舊使君至今人道家能文隻雞敢忘橋公  
語下馬來尋董相墳冬月負薪雖得免隣人吹笛不  
堪聞死生契闊君休問灑淚西南向白雲

劉貢父見余歌詞數首以詩見戲聊次其  
韻

十載漂然未可期那堪重作看花詩門前惡語誰傳  
去醉後狂歌自不知刺舌君今猶未戒炙眉我亦更  
何詞相從痛飲無餘事正是春容寂好時

除夜大雪留濰州元日早晴遂行中塗雪  
復作

除夜雪相留元日晴相送東風吹宿酒瘦馬兀殘夢  
恣隴曉光開放轉餘花弄下馬成野酌佳哉誰與共  
須臾晚雲合亂灑無缺空鵝毛垂馬駿自怪騎白鴈  
三年東方旱逃戶連歎棟老農釋耒歎淚入飢腸痛  
春雪雖云晚春麥猶可種敢怨行役勞助爾歌飯糗  
大雪青州道上有懷東武園亭寄交代孔

周翰

超然臺上雪城郭山川兩奇絕海風吹碎碧琉璃時  
見三山白銀闕蓋公堂前雪綠窓朱戶相明滅堂中  
美人雪爭妍粲然一笑玉齒頰就中山堂雪更奇青



松怪石亂瓊然惟有使君遊不歸五更上馬愁斂眉  
君不是淮西李侍中夜入蔡州縛取吳元濟又不是  
襄陽孟浩然長安道上騎驢吟雪詩何當閉門飲美  
酒無人毀譽河東守

至濟南李公擇以詩相迎次其韻二首

弊裘羸馬古河濱野闊天低糝玉塵自笑食甄典屬  
國來看換酒謫仙人宦遊到處身如寄農事何時手  
自親剗作新詩與君和莫因風雨廢鳴晨  
夜灘笙歌雪水濱回頭樂事摠成塵今年送汝作太  
守到處逢君是主人聚散細思都是夢身名漸覺兩

非親相從繼燭何煩問蝙蝠飛時日正晨

和孔君亮郎中見贈

偶對先生盡一樽醉看萬物沁崩奔優遊共我聊卒  
歲翫辭如君合倚門只恐掉頭難久住應須傾蓋便  
深論固知嚴勝風派在又見長身十世孫

送范景仁遊洛中

小人真閣事閑退豈公難道大吾何病言深聽者寒  
憂時雖早白住世有還丹得酒相逢樂無心所遇安  
去年行萬里蜀路走千盤投老身彌健登山意未闌

退之志其墓云孔子世三十八吾見其孫白而長身今君亮四十八世矣

珠字君亮



西遊為櫻筍東道盡鷓鴣杖屨攜兒去園亭借客看  
折花斑竹寺弄水石樓灘驚馬哀憐白鷺雷怯笑韓  
辭書標洞府歐陽永射字遊嵩山日莫於絕壁上見  
若薛成文云神清之洞明日復尋不見  
松蓋偃天壇試與劉夫子重尋靖長官劉几云曾見  
其人嵩山幽絕  
其為靖長官也

次韻景仁留別

公老我亦衰相見恨不數臨行一盃酒此意重山岳  
歌詞白紵清琴弄黃鍾濁詩新妙難和飲少僅可學  
欲參兵部選有力誰如笨且作東諸侯山城雄鼓角  
南遊許過我不憚千里邈會當聞公來倒屣髮一握

書韓幹牧馬圖

南山之下汧渭之間想見開元天寶年八坊分屯隘  
秦川四十萬足如雲煙駉駉駟駘駘駘駘駘駘駘駘  
駉皇鞬龍顛鳳頸獐且妍竒姿逸德隱鴛頑碧眼胡  
兒手足鮮歲時翦刷供帝閑拓袍臨池侍三千紅粧  
照目光派淵樓下玉螭吐清寒往來盛踏生飛湍衆  
主紙筆和朱鈔先生曹霸弟子韓既馬多肉凡睢圓  
肉中畫骨誇尤難金羈玉勒繡羅鞍鞭箠刻烙傷天  
全不如此圖近自然平沙細草荒芊綿鶻鴻脫兔爭  
後先王良挾策飛上天何必俯首服短轆



送魯元翰少卿知衛州

冗士無處著寄身范公園桃花忽成陰  
齊麥秀已繁閉門春晝永惟有黃蜂喧  
誰人肯攜酒共醉榆柳村鬢髮獨何者  
一月三到門我不往拜之鬢來意彌敦  
堂堂元老後疊疊仁人言憶在錢塘歲  
情好均弟兄時於冰雪中笑語作春溫  
欲飲徑相覓夜開叢竹軒搜尋到篋笥  
鮮醢無復存每愧煙火中玉腕親炮燔  
列來今幾何相對如夢魂告我當北渡  
新詩侑清樽坡陀太行麓洶涌黃河翻  
仕宦非不遇王畿西北垣斯民如魚耳  
見網則驚奔皎皎千丈清不如尺水渾

刑政雖首務念當養其源一聞襦袴音盜賊安足論

次韻子由送蔣夔赴代州學官

功利爭先變法初典刑獨守老成餘  
窮人未信詩能爾倚市懸知繡不如  
代北諸生漸狂簡床頭雜說為紀梳  
歸來問鷹吾何敢疾世王符解著書

和李邦直沂山祈雨有應

高田生黃埃下田生蒼耳蒼耳亦已無  
更問麥齊幾蛟龍睡足亦解慙二麥枯  
時雨如洗不知雨後何處未但聞昌梁  
百步聲如雷試上城南望城北陰天寂  
粟香成堆飢火燒腸作牛吼不知待得  
秋成否半



不雨坐龍慵共怨天公不怨龍今朝一雨聊自贖龍  
神社鬼各言功無功日盜太倉穀嗟我與龍同此責  
勸農使者不汝容因君作詩先自効

宿州次韻劉涇

我欲歸休瑟漸希舞雩何日著春秋多情白髮三千  
丈無用蒼皮四十圍晚覺文章真小技早知富貴有  
危機為君垂涕君知否千古華亭鶴自飛涇之元亦  
有文死

和孔密州五絕

見邨家園留題

大柳傳聞載酒過小詩未忍著磚磨陽關三疊君須  
祕除却膠西不解歌來詩有謂  
之句

春步西園見寄

歲歲開園成故事年年行樂不辜春今年太守尤難  
繼慈愛聰明惠利人

東欄梨花

梨花淡白柳深青柳絮飛時花滿城惆悵東欄二株  
雪人生看得幾清明

和流杯石上草書小詩

蜂腰鶴膝朝希逸春蚓秋虵病子雲醉裏自書醒自



笑如今二絕更逢君

堂後白牡丹

城西千葉豈不好笑舞春風醉臉丹何似後堂冰玉

絮遊蜂非意不相干

孔頗有聲伎而客無見者

和趙郎中見戲

趙以徐伎不如東武詩中戲云只有當時燕子樓

燕子人亡三百秋卷簾那復似揚州西行未必能勝

此空唱崔徽上白樓

又

我擊藤床君唱歌明年六十柰君何醉顛只要裝風

景莫向人前自洗磨

趙每醉歌畢輒曰明年六十矣

和子由與顏長道同遊百步洪相地築亭

種柳

平明坐衙不暖席歸來閉閣閑終日卧聞客至倒屣  
迎兩眼蒙籠餘睡色城東泗水步可到路轉河洪翻  
雪白安得青絲絡駿馬感踏飛波柳陰下奮身三丈  
兩蹄間振鬣長鳴身自乾少年狂興久已謝但憶嘉  
陵遠劔關劔關大道車方軌君自不去歸何難山中  
故人應大笑築室種柳何時還

次韻李邦直感舊

騶騎傳呼出跨坊簿書填委入充堂誰教按部如何



武只許清樽對孟光婉婉有時來入夢溫柔何日聽  
還鄉酸寒病守尤堪笑千步空餘僕射場

與梁先舒煥泛舟得臨釀字二首

彭城古戰國孤客勸登臨汴泗交流處清潭百丈深  
故人輕千里芝罘來相尋何以娛佳客潭水洗君心  
老守厭簿書先生罷函文風流魏晉間談笑羲皇上  
河洪忽已過水色添可釀君毋輕此樂此樂清且放

次韻荅邦直子由四首

簿書顛倒夢魂間知我踈慵肯見原閑作閉門僧舍  
冷病聞吹枕海濤喧忘懷杯酒逢人共引睡文書信

手翻欲吐狂言冢三尺怕君瞋我却須吞

此邦直見成

城南短李好交遊箕踞狂歌認自由尊主庇民君有  
道樂天知命我無憂醉呼妙舞留連夜閑作清詩斷  
送秋蕭灑使君殊不俗樽前容我攬湏不

老弟東來殊寂寞故人留飲慰酸寒艸荒城角開新  
徑雨入河洪失舊灘車馬追陪迹未掃唱酬往復字  
應漫此詩更欲憑君改待與江南子布看

君雖為我此遲留別後淒涼我已憂不見使同千里  
遠還歸終作十年遊恨無揚子一區宅懶卧元龍百  
尺樓聞道鴻濤滿臺閣網羅應不到沙鷗



司馬君實獨樂園

青山在屋上流水在屋下有五畝園花竹秀而野  
花香襲杖履竹色侵盃搏酒樂餘春暮局消長夏  
洛陽古多士風俗猶爾雅先生卧不出冠蓋傾洛社  
雖云與衆樂中有獨樂者才全德不形所貴知我寡  
先生獨何事四海望陶冶兒童誦君實走卒知司馬  
持此欲安歸造物不我捨名聲逐吾輩此病天所赅  
撫掌笑先生年來效瘖啞

送顏復兼寄王鞏

彭城官居冷如水誰從我遊顏氏子我衰且病君亦

窮衰窮相守正其理胡為一朝捨我去輕衫胸熱行  
千里問君無乃求之歟君我不然聊爾耳京師萬事  
日日新故人如故今有幾君知牛行相君宅扣門但  
覓王居士清詩草聖俱入妙別後寄我書連紙苦恨  
相思不相見約我重陽莫霜藥君歸可與與俱來未  
應指日妨進擬太一老仙閑不出張安道為踵門問  
道今時矣因行過我路幾何願君推挽加鞭箠吾儕  
一醉豈易得買羊釀酒從今始

蠍虎

黃雞豕蠍如豕忝窓間守宮稱蠍席閣中繳尾伺飛



蟲巧捷功夫在腰腎。跂跂脉脉善緣壁。陋質從來誰  
比數。今年歲旱。蟬蜩狂走。兒童鬧歌舞。能銜渠水  
作冰雹。便向蛟龍覓雲雨。守官努力搏蒼蠅。明年歲  
旱當求汝。

轍幼從子瞻兄讀書未嘗一日相舍既壯  
將遊宦四方讀常蘇州詩有云那知風雨  
夜復此對床眠惻然感之乃相約早退為  
閑居之樂故子瞻始為鳳翔幕官留詩與  
轍曰夜雨何時聽蕭瑟其後子瞻通守餘  
杭復移守膠西而轍滯留於淮陽濟南不

見者七年熙寧十年二月始復會於澶濮  
之間相從彭城留百餘日時宿於逍遙堂  
追感前約作二小詩

逍遙堂後千尋木長送中宵風雨聲  
悵喜對床尋舊約不知漂泊在彭城

秋來東閣涼如水客去山公醉似泥  
困卧北窓呼不醒風吹松竹雨淒淒

子由將赴南都與余會宿於逍遙堂作兩  
絕句讀之殆不可為懷因和其詩以自解  
余觀子由自少曠達天資近道又得至人



養生長年之訣而余亦竊聞其一二以為  
今者官遊相別之日淺而異時退休相從  
之日長既以自解且以慰子由云

別期漸近不堪聞風雨蕭蕭已斷魂猶勝相逢不相  
識形容變盡語音存

但今朱雀長金花此別遂同一轉車五百年間誰復  
在會看銅狄兩咨嗟

留題石經院三首

慈菴門前路行穿翠密中却來堂上看巖谷意無窮  
天矯庭中檜枯枝鵲踏消瘦皮纏鶴骨高頂轉龍腰

窈窕山頭井潛通伏澗清欲知深幾許聽放輾轆聲

過雲龍山人張天驥

郊原雨初足風日清且好病守亦欣然肩輿白門道  
荒田四蛩蚓村巷懸黎棗下有幽人居閉門空雀噪  
西風高正厲落葉紛可掃孤僮卧斜日病馬放秋草  
墟里通有無垣墻任摧倒君家本冠蓋絲竹開隣保  
脫身聲利中道德自濯淖躬耕抱羸疾奉養百歲老  
詩書膏吻頰荈水媚翁媪飢寒天隨子杞菊自擷美  
慈孝董邵南雞狗相乳抱吾生如寄耳歸計失不早  
故山豈敢忘但恐迫華皓後君學種秫斗酒時相勞



贈王仲素寺丞

名景純

養氣如養兒，弃官如弃泥。人皆笑子拙，事定竟誰迷。  
歸耕獨憇貧，問子何所齋。尺宅足自庇，寸田有餘畦。  
明珠照短褐，陋室生虹霓。雖無孔方兄，顧有法喜妻。  
彈琴一長嘯，不答阮與嵇。曹南劉夫子，名與子政齊。  
家有鴻寶書，不鑄金。裴蹄促膝問，道要遂蒙分。刀圭  
不忍獨不死，尺書肯見梯。我生本強鄙，少以氣自擠。  
孤舟倒江河，赤手攬象犀。年來稍自笑，留氣下暖臍。  
苦恨聞道晚，意象颯已淒。空見孫思邈，區區賦病黎。

陽關詞三首

受降城下紫髯郎，戲馬臺南古戰場。恨君不取契丹  
首，金甲牙旗歸故鄉。

右贈張繼愿

濟南春好雪初晴，行到龍山馬足輕。使君莫忘雪溪  
女，時作陽關腸斷聲。

右答李公擇

暮雲收盡溢清寒，銀漢無聲轉玉盤。此生此夜不長  
好，明月明年何處看。

右中秋月

和孔周翰二絕



再觀邨園留題

小園正霧曉蒙籠醉手在詞未必工魯叟錄詩應有  
取曲收彤管邨風

觀淨觀堂效韋蘇州詩

弱羽巢林在一枝幽人蝸舍兩相宜樂天長短三千  
首却愛韋郎五字詩

京師哭任遵聖

十年不還鄉兒女日夜長豈惟催老大漸復成凋喪  
每聞耆舊亡涕泣聲輒放老任況奇逸先子推輩行  
文章小得譽詩語尤清狂吏能復所長談笑萬夫上

自喜作劇縣偏工破豪黨蒼髯走猾吏嚼齒對茲將  
哀哉命不偶每以才得謗竟使落窮山青衫就黃壤  
宦遊久不樂江海永相望退耕本就君時節相勞餉  
此懷今不遂歸見纍纍垂望哭國西門落日銜千嶂  
平生惟一子抱負珠在掌見之齟齬中已有食牛量  
他年如入洛生死一相訪惟有王濟沖心知中散狀

答任師中家漢公

先君昔未仕杜門皇祐初道德無貧賤風采照鄉閭  
何嘗踈小人小人自闊踈出門無所詣老吏在郊墟  
門前萬竿竹堂上四庫書高樹紅消梨小池白芙蓉



常呼赤脚婢雨中擷園蔬  
矯矯任夫子罷官還舊廬  
是時里中兒始識長者車  
烹雞酌白酒相對歡有餘  
有如龐德公往還葛與徐  
妻子走堂下主人竟誰歟  
我時年尚幼作賦慕相如  
侍立看君談精悍實起予  
歲月曾幾何蒼老逝不居  
史侯最先沒孤墳撲桑樗  
我亦涉萬里清血滿襟袪  
漂流二十年始悟萬緣虛  
獨喜任夫子老佩刺史魚  
威行烏白蠻解辦請冠裾  
方當入奏事清廟陳璠璵  
胡為厭軒冕歸意不少紆  
上蔡有良田黃沙走清渠  
罷亞百頃稻雍容十年儲  
閑隨李丞相搏射鹿與猪  
蒼鷹十斤重猛犬如黃驢

豈比陶淵明窮苦自把鋤  
我今四十二衰髮不滿梳  
彭城古名郡乏人偶見除  
頭顱已可知幾何不樵漁  
會當相後去芒鞋老葛龕  
念子瘴江邊懷抱向誰據  
賴我同年友相歡出同輿  
冰盤薦文鮪鮪絡也戊王  
常傾浮蛆醉中忽思我清  
詩綴瓊瑤知我少所諧教  
我時卷舒世事日反覆翩  
如風中擷雀羅弔廷尉秋  
扇悲婕妤升沉一何速喜  
怒紛衆担作詩謝二子我  
師審與遠

初別子由

我少知子由天資和而清  
好學老益堅表裏漸融明



豈獨為吾弟要是賢友生不見六七年微言誰與賡  
常恐坦率性放縱不自程會合亦何事無言對空枰  
使人之意消不善無由萌森然有六女色裹布與荆  
無憂賴賢婦藜藿等大烹使子得行意青衫陋公卿  
明日無晨炊倒床作雷鳴秋眠我索閣夜聽風雨聲  
懸知不久別妙理重細評昨日忽出門孤舟轉西城  
歸來北堂上古屋空崢嶸退食候相從入門中自攜  
南都信繁會人事水火爭念當閉閣坐頽然寄聲言  
妻子之細事文章固虛名會須掃白髮不復用黃精  
次韻呂梁仲屯田

雨葉風花日夜稀一杯相屬竟何時空虛豈敢酬瓊  
玉枯朽猶能出茵芝門外呂梁從迅急胸中雲夢自  
透遲待君筆力追靈運去負南臺九日期

章質夫寄之卷微真

玉釵半脫雲垂耳亭上芙蓉在秋水當時薄命一駁  
率千古華堂奉君子水邊何處無廉人近前試看丞  
相真不如丹青不解語世間言語元非真知君被惱  
更愁絕卷贈老夫驕老拙為君援筆賦梅花未害廣  
平心似鉄

王鞏屢約重元見訪既而不至以詩送將



官梁交且見寄次韻答之交頗文雅不類  
武人家有侍者甚惠廉

知君月下見傾城破恨懸知酒有兵老守無何惟日  
飲將軍競病自詩鳴花枝不共秋欹帽筆陣空來夜  
斫營愛惜微官將底用他年只好寫銘旌

臺頭寺雨中送李邦直赴史館分韻得憶  
字人字兼寄孫巨源二首

霜林日夜西風急老送君歸百憂集清歌窈眇入行  
雲雲為不行天為泣紅葉黃花秋正亂白魚紫蟹君  
須憶憑君說向驍將軍衰髮相逢應不識

珥筆西歸近紫宸太平典冊不緣麟付君此事寧論  
晉載我當時舊過秦門外想無千斛米墓中知有百  
年人看君兩眼明如鏡休把春秋坐素臣

代書答梁先

此身與世真悠悠蒼顏華髮誰汝留強名太守古徐  
州忘歸不如楚沐猴魯人豈獨不知丘藉麟夫子無  
罪尤異哉梁子清而脩不遠千里從我游瞭然正色  
懸雙眸世之所馳子獨不一經通明傳節侯小楷精  
絕規摹歐深生學歐陽公書我衰廢學懶且媮畏見問事實  
長頭別來紅葉黃花秋夜夢見之起坐愁遺我駁石



盆與甌黑質白章殼琳球謂言山石生澗溝追琢尚  
可王公羞感子佳意能無酬反將木瓜報珎投學如  
富賈在博收仰取俯拾無遺籌道大如天不可求脩  
其可見致其幽願子篤實慎勿浮發憤忘食樂忘憂  
九日邀仲屯田為大水所隔以詩見寄次

其韻

無復龍山對孟嘉西來河伯意雄夸霜風可使吹黃  
帽舟人黃帽土勝水也尊酒那能泛浪花漫遣鯉魚傳尺素却  
將燕石報瓊華何時得見悲秋老醉裏題詩字半斜

河復并敘

熙寧十年秋河決澶淵注鉅野入淮泗自澶魏以  
皆絕流而齊楚大被其害彭門城下水二丈八尺七  
十餘日不退吏民疲於守禦十月十三日澶州大風  
終日既止而河流一枝已復故道聞之喜甚庶幾可  
塞乎乃作河復詩歌之道路以致民願而迎神休蓋  
守土者之志也

君不見西漢元光元封間河決鬲子二十年鉅野東  
傾淮泗滿楚人恣食黃河鱸萬里沙回封禪罷初遣  
越巫沉白馬河公未許人力窮新芻萬計隨流下吾  
君仁聖如帝堯百神受職河神驕帝遣風師下約束



北流夜起澶州橋東風吹凍收微涿神功不用淇園  
竹楚人種麥滿河淤仰看浮槎棲古木

韓幹馬十四疋

二馬並驅攢八蹄二馬宛頸駿尾齊一馬任前雙舉  
後一馬却避長鳴嘶老髯奚官騎且顧前身作馬通  
馬語後有八匹飲且行微流赴吻若有聲前者既濟  
出林鶴後者欲涉鶴俛喙最後一匹馬中龍不嘶不  
動尾搖風韓生畫馬真是馬蘇子作詩如見畫世無  
伯樂亦無韓此詩此畫誰當看

有言郡東北荆山下可以溝吹積水因與

吳正字王戶曹同往相視以地多亂石不  
果遂遊聖女山山有石室如墓而無棺槨  
或云宋司馬桓魋墓二子有詩次其韻二  
首

側手區區未易遮奔流一瞬卷千家共疑智伯初圍  
趙猶有張湯欲漕斜已生迂疎來此地分將勞苦送  
生涯使君下策真堪笑隱隱驚雷響踏車  
茫茫清泗遶孤岑歸路相將得蹙臨試著芒鞋穿犖  
確更然於炬照幽深縱令司馬能鑿石柰有中郎解  
模金強寫蒼崖留歲月他年誰識此時心



贈寫 御容妙善師

憶昔射策干 先皇珠簾翠幄分兩廂紫衣中使下  
傳詔跪捧再拜聞天香仰觀眩晃目生暈但見曉色  
開扶桑迎陽晚出步就坐絳紗玉斧光照廊野人不  
識日月角髣髴尚記重瞳光三年歸來真一夢橋山  
松檜淒風霜天容玉色誰敢畫老師古寺畫閉房夢  
中神授心有得覺來信手筆已忘幅巾常服儼不動  
孤臣入門涕自滂元老俯坐須眉古虎臣立侍冠劍  
長平生慣寫龍鳳質肯顧草間猿與麀都人踏破鐵  
門限黃金白壁空堆牀爾來摹寫亦到我謂是先

帝白髮郎不須覽鏡坐自了明年乞身歸故鄉

哭刁景純

讀書想前輩每恨生不早紛紛少年場猶得見此老  
此老如松栢不受霜雪槁直從毫末中自養到合抱  
宏材乏近用千歲自枯倒文章餘正始風節貫華皓  
平生為人耳自為薄如縞是非雖難齊反覆看愈好  
前年旅吳越把酒慶壽考扣門無晨夜百過迹未掃  
但知從德公未省厭丘嫂別時公八十後會知難保  
昨日故人書連羊喪公媪早純妻傷心范橋水漾漾  
舞寒藻華堂不見人瘦馬空懸阜我欲江東去艸蓀



酌行潦鏡湖無賀益慟哭稽山道悉見萬松岡荒池  
沒秋草

谷呂梁仲屯田

亂山合沓圍壘門官居獨在懸水村呂梁地名居民蕭條  
雜糜糜小市冷落無雞豚黃河西來初不覺但訝清  
泗流奔渾初聞沙岸鳴鑿盞曉看雪浪灣鵬鯤呂梁  
自古嗾吻地萬頃一抔何由吞坐觀入市卷閭井吏  
民走盡餘工一尊計窮路斷欲安適吟詩破屋愁爲罇  
歲寒霜重亦歸壑見屋瓦留沙痕入城相對如夢  
寐我亦僅元為魚鼈投呼歌舞雜詼笑不惜飲醕空

斲益念君官舍冰雪冷新詩美酒聊相温人生如寄  
何不樂任使絳蠅燒黃昏宣房未築淮泗滿故道堙  
滅瘡痍存明年勞苦應更甚我當畚鍤先點髮付君  
萬指伐頑石千鎚雷動蒼山根高城如鐵洪口快談  
笑却掃看崩奔農夫掉臂免狼顧秋穀布野如雲屯  
還須更置軟脚酒為君擊鼓行金樽

張寺丞益齋

張子作齋舍而以益為名吾聞之夫子求益非速成  
譬如遠遊客日夜事征行今年適燕薊明年走蠻荆  
東觀盡滄海西涉渭與涇歸來閉戶坐八方在軒庭



又知學醫人識病由飽更風雨晦明深跛躄瘖聾盲  
虛實在其脉靜躁在其情榮枯在其色壽夭在其形  
苟能閱千人望見知死生為學務日益此言當自程  
為道貴日損此理在既盈願君書此詩以為益齋銘  
答孔周翰求書與詩  
身閑曷不長閉口天寒正好深藏手吟詩寫字有底  
忙未脫多生宿塵垢不蒙譏訶子厚疾反更刻畫無  
鹽醜征西自有家雞肥太白應羈飯山瘦與君相從  
知幾日東風待得花開否撥棄萬事勿復談百觚之  
後那詞酒

送李公恕赴闕

君才有如切玉刀見之凜凜寒生毛願隨壯士斬蛟  
蜃不願腰間纏錦條用違其才志不展坐與胥吏同  
疲勞忽然肩上有黃氣吾君漸欲收英髦立談左  
右俱動色一語徑破千言牢我頃分符在東武脫略  
萬事惟嬉遨盡壞屏障通內外仍呼騎曹為馬曹君  
為使者見不問反更對飲持雙螯酒酣箕坐語驚眾  
雜以嘲諷窮詩騷世上小兒多忌諱獨能容我真賢  
豪為我買田臨汶水逝將歸去誅蓬蒿安能終老塵  
土下俯仰隨人如桔槔



東坡集卷第八

東坡集卷第八

七

